

Biblioteka Jagiellońska.



I. A 5.

I. A. 5.



CIMELIA

del. p. 17.

~~VIII. A. 5.~~

DIALECTI-
CA IOANNIS GÆSARII,
Per Quæstiones, in Compendi-
um redacta, Autore Chas-
paro Rodolphi.

(.)

ADCESSIT IN PRINCIPIO
*per eundem Proœmion, continens to-
tius Dialecticæ negotij summam
ac usum.*

ADIECTA EST AD CALCEM HV-
*ius Dialecticæ institutionis, Ioannis Murmellij
in x. Prædicamenta Aristotelis Isagoge,
oppido quam utilis huius di-
scipline studio-
sis.*

CRACCOVIÆ
Ex Officina Matthiæ Schar-
ffenbergij. Anno. M.

D. XLVI.

IVVENTV TI MARPVRGENSI Reinhardus Hadamarius.

.. ..

Vadenti peregre, Callis sinuosus, aptico,
Vt Proteus formis pluribus, errat agro,
Cautibus hic horret, blandus iuuat ille uiretis,
Ille salebrosus, mollis hic esse solet:
Per latas aliud, longis ambagibus, oras,
Tetra uel aspectu lustra, agatur iter:
Aequatis aliud te per compendia lamis,
Ducit, ut innocuis passibus ire queas.
Panditur adcesu uario Dialectica, tanquam
Innumeris uulgo meta petita uijs:
Pleraq; diuersis an fractibus horrida, sistis
Cliuosa sessos asperitate uiros:
Rara uiatores campo traducit amœno,
Rarior optata commoditate beat.
Ad Logicen properas sed tu quam tramite recto
Ne rapiare uago Tesqua per hirta gradu.
Adcipe Chasperi monumenta fidelia nostri.
Quæ tulit officio candidiore tibi:
Sic Spelea nihil seductus ad auia, frugem
Omne speratam dexteriore feres.

Doctiss

Ann. O. 202



DOCTISSIMO AC HVMA
nissimo hebreæ linguæ apud Mar
purgū professori A V G. Sebasti
ano Nutzeno, Cōpatri suo Cha
sparus Rodol. εὐπράταρ.

EXPRIMERE VERBIS, DO
ctissime Sebastiane, non possum quan
to fauore, quantis item beneficijs Aca
demia nostra, me sit prosecuta: Partim
q. me hominem (ut aiunt) οὐσανοπετέα, dignum om
nim censuerit, à quo Pedagogium recens, & decen
ter informari, & prudenter erigit: cuius in hume
ris, onus istud ut grauissimum ita me hercle amplifi
mum, quiescere commodius posset. Vnde si quid lau
dis prouenerit, ad te pars melior deriuari debet,
qui mihi Theseus semper infractus adfuit. Partim
q. maioribus officijs me sibi obstrictura, ad altiorem
honoris gradum euexerit, nempe in album doctissi
morum celeberrimæ Academicæ nostræ Professoriū
transcribendo. In quorum refulgent numero, discre
tissimus Theologus ERHARDVS Snepi. Τὸ γὰρ
ἀπὸ γλώσσης μελίτ' ὁ γλίκιον φέρει ἀντ' ἡ
Iurisperitissimus D. Io. Ferrarius Præceptor no
ster communis. Τὸ δ' ἐνι μέμ μορφῇ ἐπέωρ.
ἐμὶ δ' ἐ φρένες ἐδλαὶ. καὶ σὺ ὦ Σεβασκανέ ἐμ
λικρινεσατε, ἐβραϊκῆς γλώσσης προβλημα τὸ
χαλκίου (ὡς ὁμικρίζεις) καὶ ἄρρηκτορ τῆχ' ὁ
Ioannes Lonicetus, qui utrum Rhomanas, an Atti

vas Musas habeat magis præsenteis, sub iudice est
Burchardus Mitthobius, cum Matheseos, tum Me
dicinæ callentissimus: Cui utinam hæc illa Homeri
ea uero ὁ δὸν tam sit propitia quàm iniqua Præstantissi
mos alios, ne magis ἐγκωμιοῦ cecinisse quàm epistolâ
scripsisse uidear prætereo. Quibus connumeratis,
cōneruis omnibus incumbo, ut tantorum procerum
erga me benivolentiæ & expectationi respondeam.
Sed cum in præsentiarum nihil, quod me uoti com
potem redditurum existimem, occurrat, omnibus
tamen (quæ tantorum uirorum est humanitas) rem
gratissimam me facturum spero, si uel aliquod
grati animi ac amoris mutui specimen exhibiturus,
ea, quæ Academicæ iuuentuti nostræ profutura cō
fidam, in publicum emittere curarem: maxime Dia
lectica, hoc est, à professionis meæ chartophylacio
deprompta progymnasmata, & eadem breuiter ac
luculenter ut uelut in tabula depicta contemplan
tur, & maiore etiam cum fructu consequantur a
dolescentes. Quippe prouinciam eandem multi, cū
ex Neotericis, tum ex ueteribus, & ijs tam Græcis
quàm Latinis subeuntes, multa quidem tradiderunt: sed
alij prolixitate tam fastidiosa, alij breuitate tam
succincta, tot argutijs alij, alij barbarie tanta, ut
(nisi me iudicium fallat) instituto paucissimi satisfac
erint. Vnus Cæsarius, ut (cum bona aliorum ue
nia dixerim) inter ueteres philosophos merito re
ce:ferendus, medio quodam modo, ut ipse fatetur, in
uento cursu procedens, ex non contemnendis autori
bus, decem tractatus composuit non minore cum
fru

fructu, quam laude. In quibus ea ferè omnia quæ in
 Analyticis, Topicis & Elenchis apud Aristotelem,
 in quarto & nono tractatu etiam, q̄ promiscue a-
 pud Boethium habentur, uidetur complexus. Ea
 cum prudentissimo huius Academiæ Procerum con-
 sensu, publice prælegenda suscepissem, ac quædam in-
 uentutis nostræ captum excedere animaduertissem
 in Compendium omnia, reiectis, à quibus nostræ eta-
 tis ingeniola utcumq; abhorrere uidebantur, redi-
 gere constitui. Id quicquid est, cui potius dedicem
 quam tibi Sebastiane humanissime, neminem habeo.
 ὑπομνήστωρ τῶν πρὸς ἐμὲ ἐνεργησιῶν σου
 τῶν ἐπὶ λαοῦ πειπομένων. Non tam ut gra-
 tias referre, quam ut grati pectoris symbolum pro-
 ferre gestiam. Omnia itaq; tu eo quo scripta sunt a-
 nimo, hoc est, candidissimo suscipiens, iudicium tuū
 quod perspicacissimum & idem humanissimum, ad-
 hibeto. Et si qua non magnifico uocabulorum adpa-
 ratu uidebis expolita: cogitato me in simplicem &
 ad puerilia magis ingenia adpositam rationem, quā
 sermonis exquisitoris lenocinium incubuisse: iuxta
 peruulgarum illud ἀμαθέσιον ἢ σάφειον.
 Adhæc, si ordinem nonnihil mutatum & me per om-
 nia Casarianis uestigijs non insistere, suspexeris, cō-
 sulto à me factum esse arbitrator. Quo soli iuueni-
 tuti nullius in uerba magistri iuratus, prodessem:
 In nonnullis Rodolph. Agricola secutus. Alibi
 Philip. Melanthona, olim apud Tubingam & Vui-
 tbergam preceptorem meum unice obseruandum,
 In plerisq; Ludouicum Viuem, prout utilitas futu-

batur efflagitare sum imitatus. Adieci singulis fer-
me capitibus singulos usus. Totius item negocij Dia-
lectici summam prænisi, ut eius artis studiosi, statim
in ipsius operis ingressu uideant, quorsum tendat,
ac quid sibi uelit hæc differendi ratio. Qui labor
qualiscunq; meus, si principio tibi, uir integerrime,
placuerit: deinde, per te, affini tuo D. Ioanni Fici-
no Hassie Archicancellario communi omnium doc-
tissimorum uirorum Patrono ac Mecenati: Postre-
mo huius celeberrimæ Academiæ proceribus, fuerit
sedulo commendatus. Ad tua reliqua in me beneme-
rita cumulus hic ultimus, cui nihil adijci ulterius
queat, adcesserit. Vale. Ex Academia Marpurgensi,
si, octauo Idus Iulias, Anno ab orbe redempto.

A 5 3 4.



Chaspari Rodolphi in artem Dialecticam Prooemion.



Quoniam omnis, ut inquit Cicero, quæ
 à ratione de aliqua re suscipitur insti-
 tutio, debet à diffinitione proficisci, ut
 intelligatur quid sit de quo disputetur
 tractaturi artem differendi, primum quo nomine
 adpelletur constituemus. Deinde quid sit, Hinc quæ
 partes, Quod officium, Quo nomine à Grammati-
 cis & Rhetoricis differat. Principio igitur dis-
 ferendi rationem Plato διαλεκτικῶν, Aristotiles λο-
 γικῶν dixerunt: hic à λογῶν, ille à διαλέγεσθαι Etymolo-
 Quod rationem quandam de quocunq; themate di-
 scendi tum discendi tum docendi tradat. Est ergo διαλεκτικὴ nihil aliud q̃
 scientia ita disputandi, ut quacunq; re proposita
 ualidissimis argumentis tua probare, aliena uero
 refutare, certo modo ac ratione queas. Hæc duas
 habet partes. Quarum altera ἀγνοητικὴ Grecis. In-
 uentiu Latinis: altera uero κριτικὴ, hoc est, iudi-
 catiua dicitur. Inuentio argumentum querit, &
 materiam confirmandi propositi thematis exhibet.
 Hæc pars dialectices, quia locos, qui sunt. Tanquā
 domuncule & sedes argumentorum, ministrat, re-
 cte à Grecis τοπικὴ dicta est. Iudicatiua inuentum
 argumentum executit atq; explorat. Cape similitu-
 dinem. Bractearius exculpturus imaginem princi-
 pio cogitat unde sibi comparer metallum. Conqui-
 suo eo proximum est ut uideat sit ne probum an a-

Etymolo-
gia.

Partes.

Simile.

adulterinum, itaq; ad Basanum exigit. Sic dialecticus
 principio argumentum inuenit. Hinc dijudicat sit
 ne probum an fallax. Proponatur thema ex Cicero
 ne. Fides est fundamentum Iustitiæ, Locī, Finitio,
 partes, causæ, officia, similia, contraria, Argumenta
 ministrabunt. Quæ postea rursus inquit, & tan
 q̃ aurifaber ad suos Basanos, hoc est quæstiones,
 Quid nomen sit, Quæ res, Quæ causæ, Quæ par
 tes, Quæ officia exigit. Ex quibus colligere est hæc
 posteriorem partem Dialectices aut diffinire aliqd
 aut diuidere, aut colligere. Porro colligendi facul
 tas triplici diuersitate, ut inquit Boethius, tracta
 tur. Aut enim perpetuo ueris argumentationibus
 disputatio decurrit: & disciplina uel demonstratio
 nuncupatur: aut tantum probabilibus, & διαλεκ
 τικῇ dicitur: aut aperissime falsis, & Sophisticæ,
 hoc est. Cauillatoria perhibetur. Quorum omnium
 exemplo esto. Fides est fundamentum Iustitiæ. Ex
 ploraturus igitur probe ne senserit Cicero, ad pri
 mam quæstionem exige, & certam appellationem
 uocabulorum constitue, Itaque cum fides à suo fac
 tum sit, iubet ut fiant quæ dicta sunt: ergo uirtus. Iu
 stitia cum à iure, executio iuris: ergo etiam uirtus
 Porro, constituta certa appellatione uocabulorū
 mox cogitabis, cuiusmodi uirtus est Fides: cuiusmo
 di uirtus iustitia. Quandoquidem, Prudentia, For
 titudo, Temperantia uirtutes sunt. Hoc opus hic
 labor est, ut probe excutias naturam uocabulorum
 Nam si nepte deffinieris, corruet quicquid erit Di
 alectici negocij. Atqui hic tibi est Dialecticus, tan
 quam

quam Mercurialis statua, πολικὴ φάλογ non tam
 ducens q̄ animi cogitationem dirigens. Quomodo
 uidelicet animi cogitatio formanda circa finitiōē
 rei, in hunc modum sit ne minus commune uocabu-
 lum uox diffinienda, an magis commune. Item cum
 quibus habet cognationem. Hæc est enim materies
 definiendi. Principio igitur Dialecticus prescribit,
 quæ uoces cognatæ, ueluti prima philosophiæ ele-
 menta: Quæ minus communia, quæ magis commu-
 nia uocabula. Siquidem minus communia semper
 diffiniuntur per magis communia, & uoces cognatæ
 solum admittuntur in diffinitionem. Ut Fides q̄
 minus commune est, diffiniatur per uocabulū uirtu-
 tis, q̄ magis cōmune ē. Sic de iustitia iudicādum. Sed
 quia difficile erat cognoscere minus ac magis com-
 munia uocabula. Item uoces cognatas usum est pru-
 dentibus hominibus, quosdam locos communes, tan-
 quam armamentarium quoddam adornare, & in
 hos locos quicquid esset usquam uocabulorum mi-
 nus ac magis communium, Quicquid etiam usquam
 esset uocum cognatarum redigere, ut sicubi incide-
 ret uocabulum aliquod diffiniendum, haberemus in
 promptu materiam definiendi. Quia uero res natu-
 ra confuse sunt, etenim accidentis Substantijs uide-
 mus esse admixta, Ut igitur ordine quedam possint
 res concipi, ac diffiniri, opus fuit istis ordinibus re-
 rum ut suas cuiq̄ rei significandæ uoces tribuere-
 mus. Tres ergo locos instruxerunt, unde peteren-
 tur diffinitiones, hoc est substantiam, Quātitatem et
 Qualitatem. Quartum ut conferendarum rerum

Vsus præ-
 dicabiliū.

Predica-
 bilia.

Predica-
 menta &
 eorum u-
 sus.

Diuisio
 pñtorum
 Vsus præ-
 dicamen-

Numerus
 prædic-
 mentorum.

A v materi

materiam administraret. Posteriora enim sex Præ-
 dicamenta ad relationem referenda censemus. Ex-
 ploraturus igitur naturam Fidei & iusticie sic co-
 gitabis, cadat ne in subiectum, an subsistat per se: cer-
 tum est utrunq; cadere in Subiectum, Non igitur,
 Substantie. Proximum est, ut cogites sint ne mag-
 ne in parue res, At cum non sint expositæ sensibus
 non possunt esse Quântitates, ergo Qualitates erūt
 Hinc diffinitionem petes: Cum autem Qualitates
 non sunt aliud nisi dicitur & e quædam, hoc est affec-
 tiones animorum & corporum, Vtrâq; affectiones
 animi sunt. Quid igitur Fides: Qualitas animi uolun-
 taria, conuentorum dictorumq;, constantiam & ue-
 ritatem seruans. Quid Iustitia: Qualitas animi uo-
 luntaria bona, tribuens unicuiq; quod suum est. Ex-
 cussit tandem natura uocabulorum, proximum est,
 ut uideas quàm late pateat uocabulum quam multa
 themati insint, id quod Diuisio explicabit, que non
 parum adiuuat diffinitionem. Cum Diffinitio nihil ali-
 lud sit, nisi ex Genere per Differentias diuisio, in
 species descendere. Ergo alia Fides est domini in
 seruos, alia serui in dominos, alia imperatoris in de-
 uictos &c. Item alia est iustitia Commutatiua. Alia
 distributiua. alia priuata, alia publica, alia bellica,
 alia ciuilis. Quæ omnia ubi probe excusseris colla-
 tis ultro citroq; sentionibus ac partibus: Tum de-
 mum certam aliquam sententiam affirmatiuam uel
 negatiuam, simplicem uel conditionalem, iuxta ra-
 tionem simplicium uocabulorum statues. Præstite-
 rit autem plures propositiones connectere, ut quæ
 apte

Exemplū

Diuisio.

Propositi-
tio.

Argumen-
tatio.

apte inter se cohereant propositiones, & quam effica-
x probatio sit, uideas, Ne tamen ut in buccam
uenerint effutias, & prodigiosa argumentatio erū-
pat ad certas argumentandi formas, quas in hoc
Dialecticus p̄scribit, p̄positiones redige, ad hūc mod̄

Quicquid uere ac constanter dicta seruat, est
fundamentum iustitiæ. Fides uere ac constanter dic-
ta seruat, ergo Fides est fundamentum iustitiæ.

Porro hæc omnia proprie distincte copiose, orna-
te, & cum quadam audientium admiratione eloqui
indicat Rhetor, Ergo inter grammaticum, Dialec-
ticum, Rhetorem hoc interest.

Grammaticus orationem format simplicem uel
figuratam, pertinet ergo ad dictiones.

Dialecticus simpliciter, & citra omnem splendo-
rem, quid ueri, quid falsi orationi insi- xquirat: ad
q̄ adeo iudicium de rebus format.

Rhetor coloribus quibusdam utitur, quibus ora-
tionem magis splendidam reddat. Instruit enim ora-
tionem ad Captum popularem. Recte igitur Stoico-
rum princeps (quemadmodum inquit Viues) Diale-
cticen manui dicebat esse similem contracta in pug-
num: Rhetoricen uero eidem manui expansa in pal-
mam: ut in hoc uelut sermonis edificio. Grammati-
ca cedat ligna & lapides: Dialectica domum cri-
gat, Rhetor condat ciuitatem. Grammatica usq; ad
uocabulorum coniunctionem progrediatur. Dialec-
tica usq; ad argumentationem, Rhetorica usq; ad
sermonem, & (quod exactius est) orationem.

Hæc ille.

Habes

Habes. Quod nomē sit arti. Quæ
partes. Quo a Grāmatica ac Rhetorica differat. Ex quibus omnibus colligere est officium Dialectici, non solum præbere materiā de quocunq; themate disputandi verumetiam recto ordine ac modo tum discere ac docere, ac de his omnibus iudicium formare,
Nullis erroribus inuolui, sed
ex cunctis orationum Neanderis Dialectica regula,
tanquam Thesei filio exitum premonstrante, emergere.



DIALECTI.

CA CÆSARII PRO HV

ius artis Tyronibus, in Cōpen

dium, *διὰ τὰς ἑγερτάς*, redac

ta Authore Chasparo

Rodolphi.

De Prædicabilibus.



VID est Prædicabile: Est uox quæ de pluribus un-uoce prædicari potest, ut Genus, Species, Differentia, Propriū, Accidens. Vnde dicitur prædicabile? A prædicandō. Quia indicat quæ uox de qua commo de dici potest, ut Genus de specie. Quod sunt prædicabilia? Quinq; Genus scilicet, Species, Differentia Proprium, Accidens. Quid est Genus? Quod de pluribus & differentibus specie in eo quod quid est, prædicatur: ut animal de homine. Nam si quæritur, quid est homo? apte respondetur, animal. Ergo in quid est prædicatur, quod apte respondetur ad quæsitivum, Quid quæ differuntur species? Quæcunq; sub diuersis continentur speciebus: ut Alexander & Bucephalus equus, & ipse quoq; inter se species diuersæ, ut homo, bos, leo. &c.

Quotuplex est Genus? Duplex. Summum uidelicet seu Generalissimum & Subalternum.

Quod

Quod genus dicitur Summum? Supra quod notum est aliud superueniens genus, ut Substantia.

Quod genus dicitur Subalternum? Quod cum sit genus potest esse species. Porro, quicquid continetur inter genus Summum & Speciem infimam genus subalternum dici potest.

Ad quid conducit genus? Præterquam quod ad diffinitionem conducit. Plurimum ualet etiam ad copiam & Figuras quasdam Rhetoricas: Nunquam enim proprie excusseris quid generi insit, nisi prius in species coniicias, ut uirtutem in liberalitatem. In stitiam, Prudentiam, Fortitudinem & reliquas uirtutes. Atqui his uides adornari copiam sermonis. Præterea distributiones Rhetoricas.

Species.

Quid est species? Quæ sub assignato Genere ponitur: ut homo, animal respectu uiui.

Quotuplex est species? Duplex, infima seu specialissima & Subalterna.

Quæ species dicitur Infima? Quæ cum sit species, Genus esse non potest. Propterea quod sub se alias species non habet. sed Individua tantum, ut homo.

Quæ species dicitur Subalterna? Quæ & Genus & species esse potest, ad aliud quidem & aliud sumpta Cuiusmodi sunt omnia ea quæcunque media sunt inter Genus generalissimum & Speciem specialissimam, ut sequentes due declarant Figure.

Figura

Figura Substantiarum.

| | | |
|-----------|------------------|-------------|
| | Substantia | |
| Corporea | | Incorporea |
| Animatum | Corpus | Inanimatum |
| Sensibile | Vivum | Insensibile |
| Rationale | Animal | Irrationale |
| Mortale | Animal rationale | Immortale |
| Homerus | Homo | |
| | Plato | Aristoteles |

Figura Accidentium.

| | | |
|------------|-------------------|-------------|
| Voluntaria | Qualitas | |
| Bona | Affectus | Corporealis |
| | Virtus | Malus |
| Erga alios | Auxiliaris | Erga se |
| Consilio | Iustitia | Opibus |
| | Hec Iustitia. &c. | |

Indini.

Individuum.

Quid est individuum? Quod de uno solo particulari prædicatur, ut Virgilius, hic homo. &c.

Vnde dicitur Individuum? Ab in, id est non, & diuiduum, quod non sit diuiduum in alia quæ sub se continet.

Differentia.

Quid est Differentia? Quæ de pluribus & differentibus specie uel numero, in eo quod quale quid est prædicatur, ut querendo, Quale quid est homo apte respondetur, animal rationale mortale. Ergo in quale quid prædicatur, per quod apte respondetur, ad quesituum Quale quid.

Quæ differunt Numero? Quæcunq; in numerando, hoc est, dum numerantur, inter se differunt, ut singuli inter se homines, singuli equi, & quæcunq; individua sub una continentur specie.

Ad quid conducunt Differentiæ? Ad Diffinitionem cum scilicet speciem à specie cognatâ diuidimus, ut Fortitudo & Temperantia sunt uoces cognatæ: Sed Temperantia est uoluptatum modus, Fortitudo, aduersorum tollerantia. Item cum themata à quibusuis cognatis distinguuntur, ut Prodigalitas à liberalitate. Prodigalitas, est immodica profusio: Liberalitas loco & tempore elargiri.

Proprium.

Quot modis dicitur proprium? Quatuor. Primo homin

Quod soli alicui addidit Speciei, & si non omni, ut homini medicum esse.

Secundo: Quod omni, sed non soli, ut homini bipedem esse.

Tertio: Quod soli quidem & omni, sed non semper, ut homini canescere in senectute.

Quarto: Quod soli: omni: & semper, hoc est, naturalem propensionem ad opus significat, Quem admodum homini posse loqui inest.

Differentia & vsus Proprii.

Quomodo differunt differentie à Proprio? Si usum spectes nihil differunt. Nam utraq; proprias condiciones Specierum explicant, quibus illae inter se dissident. Alij partem rei significari differentia volunt, naturalem uero propensionem ad opus. Proprio.

Accidens.

Quid est accidens? Quod adest & abest preter subiecti corruptionem, ut medicum, album, nigrum esse.

Quotuplex est Accidens? Duplex. Separabile & inseparabile.

Quid est Accidens Separabile? Quod de subiecto uere negari potest, ut dormire.

Quid est accidens Inseparabile, Quod de subiecto negari non potest, ut nigrum esse in coruo.

Ad quid conducunt Accidentia? Quemadmodum differentia & Proprium conducunt ad distinguendas species cognatas, sic Accidentia ad dignoscenda individua: Neque enim inter Xenocratem & Aristote-

Aristotelem internoſces, niſi ex utriuſq; ingenio diſ-
ſcrimina colligas: quia ille hebeti ac tardo, hic autē
acuto ingenio fuerit. Ergo hoc poſtremum Prædi-
cabile magis ad deſcriptiones pertinet, quibus plē-
rūq; aues, herbæ, gēnæ, & ſingula inter ſe indiui-
dua diſtinguuntur.

Uſus Prædicabilium.

Ad quid conducunt Prædicabilia? Vt ſcias quod
uocabulū ſit minus cōmune, q̄ magis cōmune: Itē quæ
uox cū q̄ habeat cognationē. Iā minus cōmunia ſi m-
per diſſiniuntur per magis communia: & uoces co-
gnatæ ſolum admittuntur in diſſinitionem. Ex præ-
dicabilibus igitur, uoces cognatæ ſunt, Individuum
Genus, Species, Differentia, Proprium. Quia poſſi-
to uno aliquo iſtorum, neceſſe eſt continuo ſequi re-
liqua. Accidens uero nihil cognationis cum hiſ ha-
bet: ſignificat enim rem aduenitiā.

De Prædicamentis veris.

Quid eſt prædicamentum? Eſt terminorum qui
ſecundum nullam complexionem dicuntur, natura
rerum ordinatio, hoc eſt communis ordo uocum co-
gnatarum, atq; adeo cognitio rerum ab imo ad ſum-
mum uſq; cognoscentiarum, quid cui & quomodo
conueniant, quid à quo & quomodo diſſentiat.

Vnde dicitur prædicamentum? A prædicando,
quemadmodum prædicabile: quod hinc docemur,
quæ uoces de quibz neceſſario prædicentur.

Quæ

Que est utilitas Prædicamentorum? ut habeas
suppellectilem instructam vocum cognatarum, ut
si usus ueniat diffiniendi, habeas in promptu, unde
diffinitionem petas.

Quot sunt prædicamenta seu genera prima? De-
cem. Substantia, Quantitas, Qualitas, Ad aliquid,
Actio, Passio, Situs, Vbi, Quando, Habitus.

Distinguuntur ne citius? Distinguuntur ratione,
sed non re: omnia enim ad substantiam tanquam ad
fundamentum referuntur.

Quomodo distinguuntur ratione? In Substantiam
et accidentia.

Quot sunt Prædicamenta substantiæ? Vnum scili-
cet. Substantia: Reliqua sunt accidentium.

Substantia.

Quid est Substantia? Quæ per se subsistit alio non
utiquam indigens ut sit ut homo.


Unde dicitur Substantia? A substantando, quod aliis
omnibus, hoc est, accidentibus obstat.

Quomodo differunt substantiæ ab Accidentibus?
Substantiæ non mutantur. Accidentia mutantur, ut
color in homine subinde mutatur, cum ipse homo
non mutetur interim.

Quæ uocabula sunt congerenda in hunc ordinem?
Omnia uocabula Substantiarum.

B ij Fia

FIGURA EVBETANTIAKVM.



in hunc

In hunc ordinem digere & Substantiarum partes, ut manus, pedes, uentrem. &c. Ex quibus definitio petitur membri constans, & color Rhetoricus Distributio.

Quantitas.

Quid est Quantitas: Est secundum quam in partes quippiam diuiditur, uel, cui contingit posse diuidi.

Quot modis potest res diuidi? Duobus, scilicet secundum magnitudinem, & multitudinem.

Quotuplex igitur est Quantitas? Duplex. Continua & Discreta.

Quid est quantitas continua? Cuius partes ad eundem terminum communem copulantur, ut partes Lineæ ad punctum Superficiæ, ad Lineam. Corporis, ad Superficiem, Temporis denique ad Instans.

Quid igitur Linea? Quantitas continua longa, cuius partes copulantur ad punctum.

Quid Superficies? Quantitas continua longa & lata, cuius partes copulantur ad Lineam.

Quid Corpus? Quantitas continua densa, cuius partes copulantur ad Superficiem.

Quid Tempus? Quantitas continua, cuius partes copulantur ad Instans.


Quid est quantitas discreta? Cuius partes ad nullum terminum communem copulantur, sed à se inuicem sunt seiunctæ, ut numerus & oratio.

Quid est Numerus? Est multitudo collecta ex unitatibus.

Quid est unitas? Principium numeri.

B ij Figur

FIGURA QUANTITATVM.



Ad quid conducit Prædicamentum Quantitatis
Ad varias uariarum rerum Diffinitiones Hinc Men-
surarum, Numerorum, Geographiæ, Topographiæ
Cosmographiæ, Instrumentorum, quibus Astrono-
mi utuntur, Rerum Arithmeticarum, Scansionis, Po-
etis poetici Diffinitio sumitur.

Qualitas.

Quid est Qualitas? Secundum quam quales esse
dicimur, ut secundum prudentiam, dicimur prudentes.

Quot sunt species qualitatis? Quatuor, $\text{E} \text{g} \text{g} \text{g}$
dispositio, Naturalis potentia & impotentia, Pas-
sibilis Qualitas $\text{p} \text{a} \text{d} \text{o} \text{g}$ seu passio, Figura et Forma

Quid est $\text{E} \text{g} \text{g} \text{g}$ Qualitas difficulter mobilis à sub-
iecto in quo est, ut Virtutes & scientiæ.

Quid est Dispositio? Qualitas facile mobilis ab
eo in quo est, ut Sanitas & ægritudo,


Quid est Naturalis Potentia? Secundum quam
quispiam non ex eo quod talis est dicitur, sed talis
esse potest, ut docilis puer dicitur non quia doc-
tus sit, sed aptus doceri.

Quid est Naturalis Impotentia? Cui talis natu-
ra est denegata, ut molle, cui naturalis resistendi
vis est denegata.

Quid est passibilis Qualitas? Qualitas perma-
nens, quæ sensui passionem aliquam infert, & sensum
mouet, ut in melle dulcedo gustum mouens.

Quid est passio. Qualitas transiens, facileq; mu-
tabilis, sensui passionem inferens, ut Rubor in facie,
Pallor ex metu.

FIGVRA QV ALITATV ML



Quid est Figura? Ex continui terminatione proueniens Qualitas.

Quid est Forma? Ex Numero aut Numeri proportionem proueniens Qualitas.

Quorsum conducit Prædicamentum Qualitatis Ad progymnasmata Rhetorum, Laudationem scilicet & uituperationem. Laudatur enim uirtus, uituperatur uicium: Prætera ad confirmationem & confutationem, ut in genere Deliberatio, hinc petunt Rhetores naturam Honesti, Confirmationis locum

Ad aliquid.

Quæ dicuntur Ad aliquid? Quæcunq; hoc ipsum quod sunt, aliorum esse dicuntur, uel quomodolibet aliter ad aliud, id est, ad Aliquid dicuntur quæcunq; ad aliud referuntur, in Genitiuo casu, uel alio quouis modo, ut dominus serui dominus. &c.

Quomodo differt à superioribus Prædicamentis ad Aliquid? Superiora sunt rei sine respectu adceptæ, ut homo, quatenus est homo. Substantia est, quatenus longus, Quantitas, quatenus bonus, Qualitas. Ad aliquid uero est rei cum respectu adceptæ, ut Homo, quatenus est maritus, consul. &c. Ad aliquid est.

Quot ueniunt spectanda in prædicamento Ad aliquid? Duo. Fundamentum & terminus. Fundamentum in Prædicamento Ad aliquid, est illud à quo oritur relatio. Terminus, res ad quam fit relatio. Nomen partis oritur in gignente & genitum respicit. Nomen filij oritur in genito & gignentem respicit.

FIGURA Terminum propositum.

| | |
|------------------|--|
| | (Natura, Causa, Effectus, Signum, Euentus. &c. |
| | Ratione, Fasces, Magistratus |
| | Suprapositiōe & Suppositiōe |
| | Patronus, cliens, D <small>omi</small> n <small>us</small> , Seruus. |
| | Cōsanguinitate. frater, soror. |
| Relatiua conse- | Matertera, amita. (cer. |
| runtur inter se. | { Cōiugio, socer, nurus, gener, so |
| | { Contractu. Locator, cōductor |
| | Emptor, Venditor. |
| | Cōmuniter accidētibus. Poeta |
| | mendax, Cantor, Cupediarius |
| | Sexu, Mas, Fœmina. |
| | Aetate, Iuuenis. Senex. |
| | (Conditione, Pauper, Diues, |
| | Liber, Seruus. |

Ad quid conducit prædicamentum Ad aliquid? ad res cognoscendas.

Plurimum enim refert scire, qua ratione quid sit at. Et profecto qui uolet de rebus differere, oportebit maxime cognitas habere relationes & circumstantias.

Posteriora sex Prædicamenta.

Actio.

Quid est Actio? Secundum quam in id quod subiicitur agere dicimur ut secare. uerberare. &c.

Passio.

Quid est Passio? Passio, effectusque actionis ut secari,

adri, uerberari. &c.

Situs.

Quid est Situs? Quod positionem habet quoquo modo ad alterum, puta ad partes corporis, uel sic uel sic se habentis. ut stare. Sedere, recumbere.

Vbi.

Quid est Vbi? Quæ à loci circumscriptione procedit corporis locatio, ut in foro, in templo esse.

Quando.

Quid est Quando? Quæ ex tempore relinquitur rerum affectio, ut Præsens, Præteritum & Futurū, Adolescentia. &c.

Habitus.

Quid est habitus? Ratio uestiendi corpus, ut armatum esse.

Vnus eorum omnium, quæ de

Prædicamentis dicta sunt.

Ad quid conferunt Prædicamenta? Ad Diffinitionem, ut prædicamentum Substantiæ, Quantitatis, Qualitatis. Ad collationem rerum inter se, ut prædicamentum, Ad aliquid Ad cognitionem rerum naturalium, ut Actio & Passio. Ad descriptiones temporum, ut Quando. Ad descriptiones locorum, ut ubi. Ad Prosopographias, hoc est, descriptiones positis humanorum corporum, ut Situs, Ad differentias uestituum, ut habitus. Proinde expedit habere hos ordines intricatissimos, ut ad hoc uelut ad penam recurras, sicuti non aliqua diffinienda incidit.

De pro

De Propositione.

Quot sunt partes orationis Dialectice? *Due.*
Nomen & Verbum. Signum enim nota nominis est
& Verbi. Quid est Nomen? Est uox significatiua,
secundum placitum, sine tempore, cuius nulla pars
significatiua est separata finitum aliquid designans
& casus recti. Quid est Verbum? Vox significatiua
secundum placitum cum tempore, cuius nulla pars
significatiua est separata, finitum aliquid designans
& casus recti.

Quæ dicuntur Finita? Quibus nulla negatio ad-
iecta est, ut homo, animal. &c.

Quæ dicuntur Infinita? Quæ negationem habet
additam, ut non homo, non animal. &c.

Quid est Oratio? Vox significatiua, secundum pla-
citum, cuius partes extra aliquid significant & se-
parate.

Quid est Propositio? Oratio, uerum uel falsum
certo significans, ut Omnis homo peccat.

Quot sunt partes propositionis? *Due.* Subiectum
& Predicatum.

Quid est Subiectum? De quo aliquid prædicatur

Quid est Predicatum? Quod dicitur de Subiecto
ut in prædicta oratione, Omnis homo peccat, homo
est subiectum, peccat, Predicatum.

Quomodo diuiditur Propositio secundum Substā-
tiam? In Categoricalam & Hypoteticam.

Quid est propositio Categoricala? Quæ duobus
terminis perficitur, hoc est, Subiecto & Predica-
to, ut

ito, ut homo est animal.

Quid est Propositio Hypotetica? Quæ constat duabus aut pluribus Categoricalis, ut si homo est, animal est.

Quomodo diuiditur propositio secundum qualitatem? In Affirmatiuam & Negatiuam.

Quæ est affirmatiua? In qua predicatum affirmatur de Subiecto, ut Cicero est Orator.

Quæ est Negatiua, In qua prædicatum negatur de Subiecto, ut Cicero non est Orator.

Quomodo diuiditur Propositio secundum quantitatem: In Vniuersalem, Particularem, Indefinitam, & Singularem.

Quid est Vniuersalis? In qua subiicitur terminus communis, signo uniuersali determinatus, ut omnis homo sapiens est, nullus homo sapiens est.

Quid Particularis? In qua subiicitur terminus communis, signo particulari determinatus, ut quidam homo sapiens est, quidam homo sapiens non est.

Quid indefinita? Cuius subiectus terminus absque ullo signo sumitur, ut homo sapiens est, homo sapiens non est.

Quid singularis? In qua subiicitur terminus singularis aut communis singulariter adceptus, ut Socrates, uel hic homo est sapiens.

Canones.

propositiones Indefinitæ nunc Vniuersales, nunc Particulares sunt, ut tulerit prædicatum necessarium uel contingens.

Signa

Signa uniuersalia, faciunt uniuersalem. Particul
laria, particularem propositionem.

De Oppositione.

Quid est Oppositio? Est duarum propositionum
Categoricarum repugnantia quedam, uel qualita
te tantum, uel quantitate tantum, uel qualitate &
quantitate simul.

Cautio.

Diligenter uidendum est in oppositionibus, ne
qua incidat uocum ambiguitas. Sicut enim non
pugnant diuersæ prædicationes inter se, ita nec ea quæ
uariant ambiguitate uocis, ut Fides iustificat, Fi
des non iustificat. Quotplex est Oppositio? Tri
plex Contraria, Subcontraria, & Contradictoria.

Quid contraria oppositio? Repugnantia Uniuer
salium in qualitate tantum, ut Omne honestum uti
le, nullum honestum utile.

Quid subcontraria? Repugnantia particularium
in qualitate tantum, ut quoddam honestum utile,
quoddam honestum non utile.

Quid Contradictoria? Repugnantia uniuersaliu
um & particularium, in qualitate & quantitate
simul, ut omne honestum utile, quoddam honestum
non est utile.

Figura.

Omnia

Omne honestum utile.

Contrarie.

Nullum honestum utile.

Contradi-

ctio

Horie

Horie

Quoddam honestum utile.

Subcontrarie

Quoddam honestum non utile.

De materia Propositionum.

Quid est Materia Propositionum? Subiectum & Prædicatum. Quotuplex est materia propositionum? Triplex. Naturalis, Contingens & Remota.

Que dicitur Naturalis Materia? Que semper est uera, hoc est in qua finitio iungitur cum finito, aut finitionis parte, ubi Genus aut Differentia prædicatur de Specie, aut Proprium de Subiecto, ut homo est animal, homo est rationalis, homo potest loqui. Hæc alio nomine Necessaria dicitur.

Que contingens? Que aliquando falsa esse potest, hoc est in qua de Substantijs Accidentia dicuntur, ut homo est iustus. Hæc alias probabilis seu uerisimilis dicitur.

Que Remota? Que semper falsa est, neque fieri potest unquam ut uera sit, ut homo est lapis. Hæc alias impossibilis dicitur.

Ad quid conducit materia Propositionum? Ad diu-

ad iudicandos tum status disceptationum, tum argumenta. Plurimum enim retulerit scire, quæ necessaria quæ contingentia, quæ impossibilia sint.

Canones.

Quæ est lex & natura contrariarum? Quod Contrarie contingentes possunt ambæ esse falsæ, ut Omnis homo est officiosus, nullus homo est officiosus. Contrarie uero necessarie & impossibiles nunquam possunt ambæ simul ueræ aut falsæ esse, ut omnis homo est animal, nullus homo est animal.

Quæ est lex & natura subcontrariarum? Quod subcontrarie contingentes possunt ambæ esse ueræ, ut quidam homo est officiosus, quidam homo non est officiosus. Necessarie uero & impossibiles non possunt, ut quidam homo est animal, quidam homo non est animal.

Quæ est lex & natura contradictoriarum? Quod contradictorie siue possibiles siue impossibiles, siue necessarie nunquam possunt ambæ uel uere uel false simul esse, ut omnis homo est officiosus, quidam homo non est officiosus. Est igitur perpetua & immota contradicentium lex, ut de omni re necesse sit uere alterum contradicentium dici, utraq; de nulla

Vsus.

Quorsum conducit pugnantia propositionum? Ad confirmandum & confutandum. ut sciam, quid cui & quomodo pugnet, aut non pugnet. Item ad omnia argumenta quæ ducuntur à contrario, maxime in statu coniecturali, in hunc modum, In foro est
ergo

ergo non ruri. Id illo tempore factum est, ergo non
hoc. Præterea Rethores petunt ex opposi-
tione In-
uersionem & Enthymema à contrario.

De Equipolentis.

Quid est Acquipolentia? Est propositionum in-
ter se concordia & æquivalentia seu equipolentia
iuxta negationem præpositam tantum, uel postpo-
sitam tantum, uel præpositam & postpositam si-
mul. porro quam uim negationes habeant, è Gram-
maticis petendum esse putamus, propterea huic lo-
co diutius immorari nolumus, *præposita capite*

De conuersione Propositionum.

Quid est Conuersio? Quoties Propositionis Sub-
iectus terminus, in Prædicatum: & Prædicatus in
Subiectum conuertitur.

Quotuplex est Conuersio? Triplex, Simplex &
accidens & per Contrapositionem.

Quid est Conuersio simplex? Qua ijsdem signis
transferuntur & subiecta & Prædicata, hoc modo
conuertuntur Vniuersalis negatiua & particula-
ris affirmatiua in hunc modum, Nullum iustum est
malum apte uertes, Nullum malum est iustum. &c

Quid est Conuersio per accidens? Qua mutantur
signa, & Subiectum & Prædicatum. Quomodo
uertuntur. Pronunciata Vniuersalia affirmatiua,
ut si omne iustum est bonum, quoddam bonum est
iustum.

Quare dicitur per Accidens? Quia secundæ pro-
positioni quæ cōuersa dicitur, accidit noua quantitas.

C.

Quid

Huius ⁶⁶ Quid est Conuersio per Contrapositionem? uersionis Quando ex Subiecto fit prædicatum, & ex prædicato subiectum, manente eadem qualitate & quantitate, sed conuersæ propositioni interpositis negationibus, in hunc modum, Omnis homo est animal, ergo quodcumq; animal non est, nec homo erit. Item omnis uoluptas est expetenda, ergo quodcumq; expetitur, non potest esse uoluptas.

Vsus.

Ad quid conducit Conuersio? principio ad naturam signorum uniuersalium affirmatiuorum & negatiuorum, ut uis negationis uniuersalis diffunditur in omnes partes pronuntiati. affirmandi signum non item. Deinde ad demonstrationem Syllogismorum, id quod infra de Reductionibus patebit.

De Propositione Hypotetica.

Quid est Propositio Hypotetica? Que plures habet Categoricalas. coniunctione omnino aliqua, aut æquivalente composita, ut si iustitia est, species honesti est.

Bude. in
Commen.

Vnde dicitur Hypothetica? ἀπό του υποθ. scilicet, quod præter reliqua significata habet uim conditionis, imo causæ. Est ergo hypothetica propositio conditionalis propositio.

Quot sunt species propositionis Hypotheticæ? Tres. Conditionalis, Disiunctiua & copulatiua.

Vnde perspicitur qualitas harum specierum? Ex negatione præposita uel interposita.

Quomodo? Si propositionis Hypotheticæ copula prima

Et principalis non negatur, etiam si inter partes ipsas nonnunquam ponatur negatio, eadem affirmatiua erit, ut si homo est animal est.

Quaecumque autem hypothetica negandi aduerbium, conditionis particula habet prepositum: Negatiua dicenda est, ut non si homo est, animal est.

Quid appellas principalem copulam? Quae partes simul iungit & certam hypotheticae propositionis speciem constituit, Cuiusmodi sunt Coniunctiones Copulatiuae, Disiunctiuae, Conditionales & aliae orationis partes, illis equivalentes.

Quae propositio Hypothetica dicitur Conditi-
nalis? Quae ex duabus constat Categoricis, si coniu-
ctione simul iunctis, ut si iustitia est, honesti species
Vnde perspicitur ueritas & falsitas Conditiona-
lis affirmatiuae? Ex opposito consequentis.

Ludovicus
Viues de
Lib. de cō-
sura.

Quid dicis consequens? Quid Antecedens? Quā-
do quidem omnis hypothetica propositio, duabus par-
tibus constat, priorem ergo, quae proxime, cum, si,
preponitur. Antecedens dico: eam uero partem
quae priorem illam sequitur, Consequens, ut in il-
la, Si iustitia est, honesti species est. Iustitia est. Ante-
cedens dicitur: honesti species, Consequens.

Quomodo igitur ex opposito consequētis? Si op-
positum consequentis, Antecedenti repugnat, uera
est Conditionalis affirmatiua: falsa autem, si non re-
pugnat, ut si iustitia est, honesti species est, uera, si
homo est, album est, falsa.

Vnde perspicitur ueritas & falsitas Conditiona-

C H lis ne-

His negatiue? Ex opposito consequentis, quemadmo-
dum conditionalis affirmatiua, remota negatione:
id quod & in Copulatiua & Disiunctiua, cum ne-
gatiua sunt, ita quoq; euenire certum est. Itaq; ue-
ra est hec negatiua, Non si homo est, quadrupes est
quia eius affirmatiua est falsa.

Vsus.

Quorsum conducit hoc Præceptum? Ad om-
nes quas Iuniores Consequentias: Cicero, Simples
conclusiones: Græci, Enthymemata adpellant, exa-
minandas: recte ne consequantur an non. Quæ Hy-
potetica dicitur Copulatiua: Quæ ex duabus plu-
ribusue Categoricalis constat, copulatiua coniunctio-
ne, aut æquivalente aliquo similiunctus, ut, & So-
crates ambulat, & Plato disputat

De propositione modali.

Quid est Propositio modalis? Temperata Proposi-
tio seu affecta modo quodam, hoc est, nomine adiec-
tius seu aduerbio, ut hominem pro patria mori est
decorum.

Quid igitur est modus? Nomen adiectiuum uel
dictio adiectiua, quæ rem quæpiam determinat, et
explanat: cuiusmodi sunt, Possibile, impossibile, con-
tingens, rectum, uerum, falsum, æquum, iniquum, fa-
cile, difficile, certum, incertum, consuetum, inconsue-
tum, utile, inutile, decorum, indecorum: & si qua
alia sunt huiusmodi nomina adiectiua seu modi.

De Argumentatione.

Quid

f. 160
Quid est Argumentatio? Est argumenti, per ora-
tionem explicatio.

Quid est Argumentum? Est uis illa, item senten-
tia & ratio quæ oratione clauditur, quum aliquid
probatur ambiguum.

Quot sunt argumentorum Species? Quatuor. Sy-
logismus, Enthymema, inductio & Exemplum.

Quid est Syllogismus? Est oratio in qua quibusdā
positis, aliud quiddam ab his quæ posita sunt, ex ne-
cessitate accidit, eo q̄ hæc sunt.

Vnde dicitur Syllogismus? ἀπό του συλλογί-
ζειν. Quod significat ex assumptione propositio-
num, quasi calculis subductis, summam argumēto-
rum efficere. Quotuplex est Syllogismus? Duplex.
Categoricus & Hypotheticus.

Quid Syllogismus Categoricus? Cuius utraq; sum-
ptarum propositionum, pariter & Conclusio cate-
gorica est.

Quid Hypotheticus? Cuius uel altera tantum, uel
conclusio hypothetica est.

Quotuplex Categor. Syllogismus? Duplex. Cō-
munis & Expositorius, de quo infra agitur.

Quid igitur Communis? Cuius medium est termi-
nus communis.

Quotuplex Syllogismus Categoricus Communis
Duplex. Perfectus & imperfectus.

Quid Perfectus? Qui nullius alterius indiget ad
hoc ut adpareat necessarius.

Quid Imperfectus? Qui indiget unius, aut pluri

C ij am ed

am ad hoc ut adpareat necessarius.

De Syllogismo Cathegorico [et] communi.

Quot requiruntur propositiones ad Syllogismū
Tres. Quarum prima dicitur Maior, Græcè *μεγιστη*
Secunda Minor, Græcè *μικροτερη*: Tertia con-
clusio siue Complexio.

Quot requiruntur termini seu uocabula ad Syl-
logismum? Tria Maior extremitas, Minor extre-
mitas, & Medium.

Quenam propositio dicitur Maior? In qua po-
nitur maior extremitas.

Quare dicitur Maior? Quia ex illa, ut inquit
Cicero, emanat uis totius Ratiotinationis, est que
ueluti locus communis & *θεσις* quedam id est, gene-
ralis sententia. A qua Fabius argumentationis initi-
um esse uult ut omnes artes exercitatione discun-
tur.

Quenam propositio dicitur Minor? In qua poni-
tur Minor extremitas.

Quare dicitur Minor? Quia minus habet uirtutem
quam prima, Nempe ad commodationem eius quod
in prima propositum est, ut Dialectica est ars.

Quenam Propositio dicitur conclusio? In qua
Maior extremitas predicatur de minori, ut Diale-
ctica est ars, igitur exercitatione discitur.

Quid est Maior extremitas? Terminus, qui in
Maiori propositione tantum ponitur, siue predica-
tum

tum conclusionis, ut in Superiori Syllogismo uerba
discuntur.

Quid est Minor extremitas? Terminus, qui in mi
nori propositione tantum ponitur, siue Subiectum
Conclusionis ut Dialectica.

Quid est Medium? Terminus his sumptus in du
abus, propositionibus premissis: sic, adpellatum.
Quia hoc uocabulo maior & minor extremitates
conueniunt. Cuiusmodi est in dicto Syllogismo ars.

Quomodo inuenitur medium probandi ueritate
& falsitatem rei propositae, per locos Dialecticos.

Quid est locus Dialecticus? Est quasi signum quod
dam, quo monemur unde petamus causam siue me
dium, siue argumentum differendi.

Exemplum

Proba per genus Dialecticam exercitatione disci
ti, inquires, quia ars: Est autem ars genus ad diallec
ticam. Vnde desumpta ratio est, cur exercitatione
disci, de Dialectica dicatur. Sed haec ad materiam,
non ad formam pertinent, de qua in locis dicetur.

Ratio contexendi Syllogismos.

Quomodo est animi cogitatio conferenda circa
constitutionem Syllogismi? Principio cogitandum
de cōclusionione, deinde de causa conclusionis, quae ma
iorem constituit. Postremo de applicanda Causa ad
Subiectum Conclusionis, quod minorem conficit. in
hunc modum. Omnis homo est animal, Cicero est
homo

homo ergo Cicero est animal.

Ergo fundamentum seu principalis cuiusq;
argumenti pars est subiectum, hoc est, primum
Vocabulum thematis, ut Fides, est fundamentum
Iustitiæ: Principalis uox totius argumenti est Fides
deq; ea fundamentum Iustitiæ dicitur.

Regulæ Generales de Syllogismo.

Quot sunt Regulæ, ad quas seu ad amissim
seu normā, omnis Syllogismus uenit exigendus: Quæ
q; Prima: in òni Syllogismo. Maior debet esse uni-
uersalis. Est enim Syllogismus argumentatio ab
uniuersalibus ad singularia.

Secunda: Si altera Propositio fuerit particu-
laris aut negatiua sequitur Conclusio particularis
aut negatiua.

Tertia: In Syllogismo propositiones ambe nun-
quam possunt esse neq; negatiuæ neq; particulares
sicut enim ex puris negatiuis nihil sequitur, sic ex
puris particularibus nihil sequitur

Quarta: Medium nunquam debet ingredi Cō-
clusionem:

Quinta: In Syllogismo non sint termini am-
phiboli.

De Questionibus.

Sciendam hoc loco, q; omnis questio proposita

aut est uniuersalis, ut an omnis fides sit fundamentū
iustitiæ: aut particularis, ut an aliqua fides sit fun-
damentum iustitiæ: aut affirmatiua, aut negatiua.

Porro si quæstio fuerit uniuersalis, tunc nulla p-
positionum poterit esse particularis: si quæstio fue-
rit affirmatiua, tunc nulla propositionum poterit
esse negatiua.

Primum ergo inspicere quantitatem propositionis
quæsitæ, deinde, qualitatem: sub hæc uide ad quam
figuram te conferas.

In prima insuper figura, omnes quæstiones re-
peries. In secunda, quæstionem uniuersalem & par-
ticularem sed negatiuam tantum. In tertia particu-
larem tantum, affirmatiuam scilicet & negatiuam

De Modo Et Figura,

Quot requiruntur ad compositionem. Syllo-
gismi? Duo. Figura & Modus.

Quid est figura? Est legitima dispositio Medi-
j in duabus propositionibus, ita ut apte subiiciatur &
predicetur.

Quid est Modus? Est legitima dispositio premi-
ssarum in debita qualitate & quantitate.

Quot sunt modi primæ figure? Quatuor Bar-
bara scilicet, Celarent, Darij, Ferio.

Quot secundæ figure? Similiter quatuor. Ce-
sare, Camestres, Festino, Baroco.

Quot tertiæ? Sex. Darapti, Felapton, Disamis
Datisi, Bocardo, Ferison.

Ex quibus omnibus priores quatuor figure

D

Sylloge

Imos constituunt perfectos, Reliqui imperfectos.

Quid indicant vocales passim omnibus m.
interpositæ? A. significat uniuersalem affirmati-

U uniuersalem negatiuam. I particularem affir-
tiuam, O particularem negatiuam.

Quid indicant Consonantes. B. C. D. F. literæ ca-
pitales: & minuscule. C m p s. omnibus alijs à prio-
ribus, & primæ figuræ modis admixtæ? B. significat

reduci ad Barbara. C. ad Celarent. D. ad Darij, F.
ad Ferio. c quod non est principium dictionis ad

impossibile duci: m. transpositionem præmissarum. S

simpliciter uerti. P. uero per accidens.

Quid sunt Figuræ Syllogismorum? Tres, p. — b. — c. —
Que dicitur Prima? In qua medium subijcitur in

prima, & prædicatur in secunda hoc modo.

| | |
|-----|----------------------------|
| Bar | Omne maleficiū expuniendum |
| ba | Omne furtum est maleficiū |
| ra | Omne furtum est puniendum. |

| | |
|------|----------------------------|
| Ce | Nullum uiolentum perpetuum |
| la | Omne regnum uiolentum |
| rent | Nullum regnum perpetuum. |

| | |
|----|---|
| Da | Quicquid meretur gratiam Dei iustificat |
| ri | Fides meretur gratiam Dei |
| i | Fides iustificat. |

| | |
|----|-----------------------------------|
| Fe | Nemo fortis res humanas admiratur |
| ri | Pom. Atticus est fortis |

pom.

- ra Omnis suauiloquentia in contentionibus
uincit.
- pti Res quedam uincens in contentionibus ex
exercitatione paratur.
- Da Omnis uoluptas delectat
tis Quedam uoluptates sunt perniciose
i Quedam res perniciose delectant.
- Fe Nullum periculum proprium est fugiend.
lap Omne periculum est graue
ton Res quedam grauis non est fugienda.
- Bo Non omnis qui dicit domine domine, poti
etur regno Dei
- car Omnis autem qui dicit domine domine est
Christianus,
- do Non omnis Christianus potitur regno
Dei.
- Dis Quedam leges arma prohibent
a Omnes leges sunt à Deo
mis Deus arma prohibet.
- Fe Nemo uitij obnoxius est liber
ris Sunt quidam uitij obnoxij etiam potentij
sini reges.
- on Quidam reges non sunt liberi.

De Reductione.

Quot sunt instrumenta quibus imperfecti Syllo
gismi

^{v. 87}
gismi ad perfectos reduci possunt? Tria. Couersio
premissarum transpositio, & Syllogismus ad impos-
sibile ducens.

Quando transponuntur premissae? Quando am-
be locum mutant ita ut ex maiore minor, & ex mi-
nore uicissim maior fiat, ut est uidere in modis Ca-
mestres & Disamis.

Quid est Reductio per Impossibile? Quando ex-
opposito Contradictorio conclusionis cum altera
premissarum, infertur oppositum alterius premis-
sae iuxta hos uersiculos. Seruat maiorem, uariatq;
secunda minorem. Tertia, maiorem uariat, seruatq;
minorem, ut est uidere in modis Baroco & bocare-
do.

Vsus.

Ad quid conducit Reductio? Ad euidenciam Syl-
logismorum qui fiunt iuxta secundam ac tertiam
figuram Quorum dispositio, quia paulo durior esse
uidetur, probari potest (ut inquit Aristoteles) si il-
ligentur modis primae figurae: praesertim reductio p-
impossibile, ad demonstrationem Syllogismi & cuius-
iuscunq; consecutionis pertinet. Nulla enim, ut inq-
uius, cetior est coticula quam contradictorium
conclusiones repugnare uel toti rationi, uel cum
una parte eius repugnare alteri, & rem deduci ad
concessionem duarum contradictoriarum. Quae ex-
aminatione nulla est euidencior in natura.

De Syllogismo expositorio.

Quid Syllogismus expositorius, supra expositum

D iij

est:

est: nunc unde dicatur, & quis sit huius usus, Quare ergo dicitur Expositorius? Quia per ipsum quae si expositio designatioq; fiat propositionum ad demonstrationem sumpturum.

Vsus.

Quorsum conducit Syllogismus Expositorius? Principio utilis, si quando ex singularibus propositionibus colligenda est aliqua communis, ut cum ita argumentamur. Iste liberatus est à febris. Iste usus est aduersus febres Glycirrhiza, ergo utens Glycirrhiza liberatur à febris. Deinde communes propositiones exponitur si quis proposita communi propositione dubitat, utrum cunctatio sit utilis Reipu. hoc pacto probabit. Fabius Maxim. seruauit rempub. Rom: Fabius Maximus fuit Cunctator, ergo Cunctatio seruat Rempublicam.

De Enthymemate.

Quid est Enthymema? Est ex icotibus & signis syllogismus perfectus.

Vnde dicitur Enthymema? ἀπὸ τοῦ ἐνθυμῆσαι

Quod considerare significat, deliberare, cogitare.

Porrò, quia breuitatis gratia excogitata est hac argumentandi forma, nihil autem celerius sit cogitatione, propterea recte cogitatio dicta est.

Quae sunt ἐκότα? Argumenta consentanea.

Quid consentaneum? Quod plerunq; fieri solet, ut homines odisse inuidentes, & diligere amantes.

Quid signum? Quod cadit sub sensum humanum, ex quo humana mens aliquid colligit.

Quotu

Quotuplicia sunt signa? Duplicia. *Necessaria* quæ
Græci τεκμήρια dicunt, ut peperit non est igitur
uirgo.

Probabilia, quæ Græci σημεῖα dicunt, ut Vlysses
cum gladio cruento uisus est iuxta cadaver Aia-
cis, igitur interfecit.

Quæ differunt εἰκότα à signis? Quod signa aut
sunt cum re, ut lac habet, igitur gravis est: aut an-
tecedunt rem, ut Clodius insidiatus est Miloni, igi-
tur occidit: Aut sequitur rem, ut fugit, igitur occi-
dit.

Εἰκός uero quod plurimum sic fieri soleat, aut nō
fieri, esse aut non esse, ut matrem diligere sobolem.

Quot sunt partes Enthymematis? Duæ, Antece-
dens & Consequens, prior quidem est antecedens,
posterior consequens ipsa uero connexio, Consequen-
tia dicitur.

Canones,

Si Prædicatum antecedentis & Consequentis idē
est, deest minōr, ut integer fiat syllogismus.

Si Subiectum antecedentis & Consequentis idē
est, deest maior, ut fiat integer syllogismus.

Vsus Enthymematis.

Vtra argumentandi forma crebrius utuntur ora-
tores, Syllogismo ne, an Enthymemate?

Enthymemate, Quod Oratores se magis comuni
sermoni accommodant, qui Enthymemate exprimi-
tur.

Quæ nam pars integri Syllogismi potissimum i-

Est minor

Enthymemate ommittitur ab oratoribus? Quæ de
se adeo facilis est, & cuius obuia, ut sorderet si ex
plicaretur, & generaret fastidium, tanquam diffide
ret auditori qui dicit.

De Inductione.

Quid est Inductio? Est oratio per quam à singulis
rebus ad uniuersalia progredimur, ut quod Pompe
ius habeat in se omnia in bono imperatore requiren
da, probatur hac inductione. Pompeius habet in se
uirtutem, scientiam rei militaris, auctoritatem, foe
licitatem: habet igitur omnia in bono Imperatore
requirenda.

Canones,

In inductionibus præstandum est, ut aut omnes
partes connumerentur, aut ut nihil diuersum adpa
reat. In primis igitur necessum est, ut habeamus per
lustratam naturam singularium nam qui singulari
um (ut monet Aristo.) ignorat similitudinem, is non
facile inducet.

Vbi habet locum Inductio? In captionibus. Cum
enim singularium rerum interrogatiuncula propo
nuntur, minus adparet fraus, quæ profert id (ut in
gt Viues) uelut acie explicata, minusq; circumspici
t is, qui respondet, quid sequatur adposita sibi ac
concessa, & qui repugnet.

Vsus.

Ad quid conducit Inductio? Ad omnem humanam
cognitionem in quæ nascitur ab experientia. Est autē
experientia nihil aliud quam singularium effectuum
collatio

regula 9^{ma}
collatio ex qua communis formula statuitur.

De Exemplo.

Quid est Exemplum? Quoties unum particula
re per aliud probatur propter simile, quod in utro
q; conspicitur, ut propositio est apud Cicronem
in Offi. Fidem hostibus seruandam Quam proposi-
tionem, statim subiecto exemplo confirmat in hunc
modum. Si M. Attilius regulus uitam amittere, quā
a fide discedere maluit, ergo fides hostibus seruanda

Quid uenit obseruandum circa exemplum: ne ali-
qua dissimilitudo subsit. Nam ut similitudo est in exē-
plis causa consequentiæ. Ita dissimilitudo facit, ut
Consequens cum Antecedente cohærere nequeat.

Vsus.

Ad quid ualeat exemplum? Ad persuadendum nō
repugnanti, atq; ei qui ultro sequitur ualeat hæc pro-
bandi uia, ut quæ docet & ostendit magis quam co-
git.

De alijs quibusdam argumentan- di formis, & principio de Coaceruatione.

Quid est Coaceruatio? Est prædicatum prædica-
ti subiecto addere, ut homo est animal, animal est
corpus animatum, ergo homo est corpus animatū

Potest ne coaceruatio redigi in formam Syllo-
gismi? Potest, Adcipiendo secundam partem p sub-
iecto in hunc modum, omne animal est corpus ani-
matum, omnis homo est animal, ergo omnis homo ē
E corpus

corpus animatum.

Vbi ualet hæc argumentandi forma? In necessarijs, & contingentibus non item, hoc est, in quolibet ordine predicamentario, ubi superiora de inferioribus sui ordinis dicuntur.

De Dilemate.

Quid est Dilemma: In qua utrum concesseris reprehenditur, hoc argumentandi genere utitur Creusa Aeneæ coniunx, Aeneid. lib. ij.

Si periturus abis, & nos rape in omnia tecum:

Si aliquam expertus sumptis spem sumis in armis.

Hanc primum tutare domum, cui paruus Iulus,

Cui pater, & coniunx, quondā tua dicta, relinquo

Vsus.

Ad quid ualet hæc argumentandi forma? Ad perturbandum, cum animus uelut indagine undiq; circumseptus, non statim prospicit exitum.

De Syllogismo Hypothetico.

Quid est Syllogismus Hypotheticus? Cuius maior propositio & argumentum & questionem continet, ita ut adsumpto argumento in minori certa inferatur conclusio, ut si Rhetorica bene dicendi scientia est, utilis est: sed Rhetorica est bene dicendi scientia, igitur Rhetorica est utilis.

Ex quibus constat Syllogismus hypotheticus
Ex iisdem quibus Categoricalis, unde robur suū accipit, hoc est, maiori minori & conclusione

Prescribuntur ne etiam modi de Syllogismo.

Hyp o

Hypothetico? Præscribuntur. Sed hoc loco non sunt aliud nisi formæ quædam, & quasi præscriptæ leges ipsorum Syllogismorum, cuiusmodi sunt.

1 A positione antecedentis ad positionem consequentis recte procedit argumentum, ut si homo est, animal est, atqui homo est, igitur & animal.

2 A destructione consequentis ad destructionem antecedentis ualet consequentia, ut si homo est, animal est, atqui animal non est, igitur nec homo.

3 In repugnantibus posito antecedente, ut consequens tollatur recte argumentamur, ut non si dies est nox est, atqui dies est, non est igitur nox: sed de his & similibus modis uide copiosissime disputantē Boethium de Syllogismo Hypothetico.

De Finitione.

Quid est finitio? Est oratio, ut inquit Aristoteles, quæ quid est esse significat, hoc est, oratio explicans quæ sit rei natura essentialis.

Quibus constat plena ac perfecta Finitio? Genere & differentia, ut homo est animal rationale.

Quo differt à descriptione? Quo opaca pictura à perfecta: Opaca pictura imaginem descriptio Plena ac perfecta faciem finitio gerit.

Quæ est finiendi lex? Vt diffinitio cōueniat omnibus à diffinitio, & cōtra diffinitum omnibus à diffinitioe? Deinde ut quid sit res, hoc est substantiam eius explicet: Præterea ut aperta sit, hoc est, neq; ambiguis nominibus neq; obscuris, aut ex longinquo translatis constet. Finiamus exempli loco uocabulū

tatis? Quid igitur Ciuitas? Multitudo. Valet ne definitio? Non ualet. Quia plura complectitur quam finitum: si enim uaga sit illa multitudo palam est non esse ciuitatem. Adstringe igitur arctius? Ciuitas est multitudo collecta, ualebit ne iam? minime, si enim decem aut centum fuerint, non erit ciuitas. Iterum astringe arctius. Ciuitas est multitudo collecta ad statum rerum suarum tuendum per se sufficiens. Est ne iam completa definitio? Non est, ut sint enim quantumuis multi, sed dissideant animis, non consulant in commune, non uitae genere conueniant, non uideo cur ciuitas dicatur. Adijce ergo postremam clausulam, quae consensu legum, uitaeque sit coniuncta & collige à capite omnia, uidebis completam definitionem: Ciuitas est multitudo collecta, ad statum rerum suarum tuendum per se sufficiens, consensu legum, uitaeque coniuncta.

Quot sunt finiendi species, tam philosophis quam oratoribus nec non & poetis communes? Quindecim, referente Boethio.

1 οὐσιώδης, id est Substantialis, quae constat uocabulis de eodem ordine praedicamentario naturae rei explicans, ut homo est substantia corporea, animata, sensitiua, rationalis. Haec unice dicitur definitio: Reliquae magis nominis honore.

2 ἐννοητική, id est, notialis, quae rem non per substantiam, sed per actum potius explicat, ut homo est, quod rationali conceptione & exercitio cunctis praest animantibus.

3 ποιότης, à qualitate nomen habens, Quae qual

le

te quippiam sit ostendit potius, quàm quid sit, ut homo est qui ingenio ualet, artibus pollet, bonūq; ac malum discernit.

4 ὑπογραφή, id est, Descriptiua, ea est, ut inquit Rodolphus, quæ rem uerbosius exprimit, nec in id adhibetur, ut quid sit res indicet, sed qualis sit, uelut inspiciendam ante oculos ponat, ut luxuriosus est qui uictus non necessarij, sed sumptuosi appetēs est, delicijs affluens, & ad libidinem pronior.

5 κατάληξις, Ad uerbum ut locus est sedes argumenti ἄνθρωπος est homo

6 κατάδιαφορά, id est, per differentiam, sic odium ab ira differt, Quod ira breuis est, odium inueteratum.

7 κατάμεταφορά, id est per translationem, ut Caput arx corporis, Adolescencia flos ætatis.

8 κατά ἀφαιρέσει τοῦ ἐναντίου, id est per ablationem contrarij, ut Horatius, uirtus est uitium fugere, & sapientia prima stultitia caruisse.

9 κατά ὑπὸ τῷ πῶσι, id est per suffigurationem, hoc est, quando aliquam personam luculenter describimus eam uel laudantes, uel uituperantes, ut Achilles est uir acris, inexorabilis, Regibus insensus, liber ac simplex, pedibus uelox.

10 ὡς τὸ πῶσι, hoc est, exempli gratia, ut substantia est, ut homo. Item differentia est, ut Rationale.

11 κατά ἐνδ' ἑνὶ πληροῦς ἐκ τῆς ὁμογενεῖς, id est, per indigentiam pleni ex eodem genere. Ut quadrans est cui dodrans deest ut sit as.

12 κατά ἐπαινον, id est, per laudem, ut Diallec

tica est ars artium, scientia scientiarum.

13 κατὰ ἀναλογίαν, id est iuxta proportionem
ut mens est in homine, quod in mundo Deus.

14 κατὰ δὲ πρὸς, id est, per id quod ad aliquid
dicitur, ut patronus est qui habet clientem. &c.

15 Αἰτιώδης, id est, Causalis, quæ causam rei, de
qua queritur, reddit, ut res est solliciti plena timo-
ris amor.

De Diuisione.

Quid est Diuisio? Est communioris in minus com-
munia diductio, sicut igitur diffinitio quid res sit in-
dicat, sic diuisio quam multa in re contineantur.

Quot sunt diuidendi forme

DV AE.

1 Est generis in species, ut animal in rationale &
Irrationale, & hæc propriæ diuisio dicitur.

2 Totius in partes ut Dialecticæ inuentionem &
iudicium Rhetoricæ in inuentionem, dispositionem
elocutionem, pronunciationem & memoriâ. Hæc
propriè partitio dicitur.

1 Quenam est lex diuidendi ut diuisio perficia-
tur duabus differentijs e diuerso positis, hoc est,
2 quæ repugnent neq; in idem conuenire possint.

2 Deinde ut quicquid in diuiso continetur, id to-
tum inembra diuidendi explicent: Id quia seruari
non potest propter differentiarum inopiam negati-
onibus & circumscriptionibus est præstandum, id
quod in diuisione animalis fieri uidemus, quod per
rationale & irrationale diuiditur. Irrationale enī

non nisi negationem rationalis explicat.

Vsus.

Ad quid conducit diuisio? In primis ad diffinien-
dum. Est enim diffinire nihil aliud nisi ex genere &
differentias diuiso in species descendere. Ex gene-
re enim animalis per differentiam rationale diui-
sio erumpit species homo: præcipue uero ad disse-
rendi orationisq; copiam, ut unum quippiam, quod
multa ambitu suo complectitur in partes spargas. *Præterea*
Sic Cicero disputaturus Dialectice de officio, prin-
cipio in partibus contemplatur.

Differentia generis & totius spe- cicrum & partium.

Quomodo differunt Genus, Totum, Species &
partes inter se?

1 Genus ad constituendam singularum specierum
substantiam adsit oportet, ut ad constituendam sub-
stantiam hominis, bovis, &c. genus scilicet animal
adsit oportet. At non ad constituendas partes totū
alioqui sequeretur manum esse corpus hominis.

2 Item ad conficiendam totius substantiam unam
quamq; partium adhiberi necesse est, sed ad explen-
dam generis substantiam non qualibet species requi-
ritur: Postremo genus adfirmatur de specie: At nō
totum de partibus, ut homo est animal, ualet: At
non ualet, cum dico, manus est corpus hominis.

De altera parte Dialectices, hoc est, Inuentione Dialectica.

Hactenus de Iudicativa quæ *κρίτική* dicitur, disputatum est, quæ aut diffinit, aut diuidit, aut colligit. Nunc de Inuentiua græce *εὐρητική* dicta disseremus quæ de locis tractat, & argumenta administrat.

Quid igitur Inuentio? Est mediij siue argumenti ad probandum necessarij preuestigatio

Quomodo inuenitur medium, siue argumentum, quo probatur prædicatum conclusionis de suo subiecto affirmari, aut negari? Per locos Dialecticos.

Quid est locus Dialecticus? Est sedes argumenti, hoc est, quasi domicilium quoddam in quo delitescit medium illud, seu argumentum, seu materia de quo cunq; themate differendi, Vt de iustitia disputatur, Locj, Finitio, cause, Diuisio, Officia, Similia, contraria indicabunt, quid dicas, in hanc sententiã.

- 1 Iustitia est uirtus, qua suum cuiq; tribuitur.
- 2 Voluntas consentiens cum legibus.
- 3 Aliã esse bellicam, aliam ciuilem.
- 4 Nec corpus alterius, nec res occupare.
- 5 Beneficentia seu liberalitas.
- 6 Vis, fraus, duo iniustitiæ genera.

Hæc est methodus Dialectica, quam, qui habent facile de quocunq; themate siue simplici, siue composito, disputare poterunt.

Diuisio Locorum.

Quomo

Quomodo diuiduntur loci? In Maximas, & differentias maximarum.

Qui loci dicuntur maxime? Propositiones quædam indubitate, atq; adeo certæ, ut ipse probatione non egeant, atq; ob id in Enthymematis ex locis dictis tantum confirmandis adhibentur. Dicuntur autem loci quia continent cæteras propositiones, & per eas fit consequens, & rara conclusio.

Qui loci dicuntur differentie maximarum? Quibus maxime à maximis differunt, ut diffinitio est differentia maxima huius. Cuicunq; non conuenit diffinitio nec diffinitum, quæ iam hæc maxima ab alijs omnibus differt.

Vsus.

Ad quid conducunt maxime? Ad disputandum et iudicandum, nam si cum proteruo agas altercatore, ad has sepe ut factam ancoram confugiendum est, ut si huius Enthymematis, Bellum est causa malorum, erit igitur emendatio pax, negetur consequentis, probatio non aliunde constabit, quàm ex ea maxima, quam Cicero tradit, Contrariorum contraria sunt consequentia.

Ad quid conducunt loci differentie maximarum? Ad memoriam, enimvero cum sint maxime plures, ac penè innumerabiles opus fuit differentijs maximarum, quarum non tanta copia est, ut cito à discētis memoria quæant elabi. Quæcunq; enim uniuersaliora sunt, pauciora sunt.

Subdiuisio.

E

.

Quæ

Quomodo diuiduntur loci differentie maximarum? In locos internos & externos.

Quinam loci dicuntur interni? Quorum argumenta uel à Subiecto uel Predicato, plerumq; tamē à predicato questionis sumuntur: Si quidem ijs partibus quibus propositio, omnis questio absoluitur, hoc est, Subiecto & predicato.

Qui sunt Externi? Quorum argumenta à neutro istorum petuntur, sed extrinsecus adiscunt.

Ostende exemplo? proposita questione utrum homo sit animal, concludaturq; affirmatiue, probō à Subiecto, quia raciocinatur: A predicato, quia sentit: Ecce locum internum, qui dicitur differentias: Quia uero Consul, professor. &c. Ecce locum externum qui dicitur ad aliquid.

Subdiuisio Secunda.

Quomodo diuiduntur loci interni? In locos in substantia, & comitantes substantiam.

Qui sunt in substantia? E quibus res idipsum quod sunt adiciunt, Cuiusmodi sunt Diffinitio, Diuisio, Ethymologia, Genus, Species, Proprium, Differentia, Totum, Partes, Coniugata.

Qui comitantur substantiam? Qui singularibus substantiis adherescunt, ut communiter herentia, vsus, Subiecta.

Da locos externos? Causa, hoc est, Efficiens, Materia, Forma, Finis, Effecta, Generatio, Corruptio, Autoritas, Simile, Comparata hoc est, par, maius, Minus, Transumptio, repugnantia, disparata, seu differentia.

De

De Locis qui sunt in Substantia.
Prima Diffinitio.

A Diffinitione ad hunc modum argumētatur Ci-
cero, si gloria est illustris, & peruagata multorum
& magnorum, uel in suos ciues, & in patriam, uel
in omne genus hominum fama meritorum, ergo nō
satis diu (quemadmodum ipse de te prädicas) Vixi
sti gloriae Caesar. Item uirtus est quæ pro æquitate
pugnat, igitur fortitudo. Locus. D. M. à diffinitio-
ne locus. M, Cuiuscunq; conuenit diffinitio, & diffini-
tum.

Confutatur, si aut uerum proprium, aut uera Cicero lin-
differentia, aut uerum genus positum non est, aut of. de for-
alioqui à legibus diffiniendi aberratur. titudine

Secunda Diuifio.

Quintilia

A diuisione hoc modo argumenta ducuntur, si ui-
ta eorum, qui sine ratione uiuunt merito uituperan-
da est, cur non laudabilis uita eorum qui cum ratio-
ne uiuunt. nus. li. 5.

Item aut utile est bellum indicere, aut non, si nō
est utile bellum inferre ergo quiescere utile L. D.
M. à Diuisione Lo. M. Condiuidendum uno sublato
alterum manet: & posito altero tollitur reliquū.

Vfus.

Ad quid ualet præsens locus? Simili uia & adpro-
bandum & refellendum. Probanti satis est habere
unum, quod uerum sit, hoc modo, si ciuis aut natus
sit

sit oportet, aut factus. Cum uero quis negare uelit
necesse est utrūq; tollat hoc modo. Nec natus, nec
factus, non est igitur ciuis.

Tertia Ethymologia,

Ab Etymologia in hunc modum argumentatur
Cicero. Fides iubet ea fieri quæ dicta sunt, ergo fun-
damentum iustitiæ: Item de Deo disputat igitur The-
ologus. L. M. D. est ab Etymologia Lo. uero M. cui
nominis Etymologia cōuenit, & ipsum nomē, cuius
Etymologia facta est.

Confutatur eo modo, quo autoritas. Pleraq; enī
Etyma Robur & auctoritatem sumunt ab ijs, qui uel
sic adpellant, uel sic exponunt originem.

Quarta Genus.

Genus habet firmam refutationem speciei, proba-
tionem infirmam, in hunc modum. Si nulla est in re
pub. iustitia ergo nec lex. Si malus non est, ergo nec
mendax L. D. M. est à genere L. M. A quocunq; re-
mouetur genus & Species.

Quinta Species.

Species habet firmam probationem generis, in-
firmam refutationem, hoc modo. Qui potes negare
malum, quem mendacem esse uides? Si apud bo-
nos uiros locum habet prudentia, ergo etiam hone-
stas. L. D. M. est à specie Lo. uero M. Quod speciei
adeo idem & generi.

Sexta Differentia.

A Differentia ita argumentatur Cicero in Offi.
quia omnes sumus participes rationis, omnino ca-
uendum

uendum est ne similes efficiamur bestijs? Item cum
homo εὐλογῇ sit. Quid minus fuerit eius q̄ furor
q̄ præcipitem ruere in quodcumq; fuerit animo col-
libitum? L. Q. D. M. à Differentia: Lo. uero maxima.
si cui differentia alicuius rei conuenit, & id cuius
est differentia,

Septima Proprium.

A proprio eo modo argumenta ducuntur, quo
à differentia in hunc modum. Equus discipline ca-
pax est, igitur mansuescit, eadem est maxima.

Octaua Totum.

A toto ad eius partes argumentari affirmatiue
ualet argumentum, ut si tota Respub. consilio gu-
bernanda est, ergo & domus & unusquisq; ciuium
Maxima est quod toti conuenit & partibus.

Rursum à partibus ad totum negatiue procedit
argumentum, ut si neq; censu, neq; uindicta, neq; te-
stamento est liber factus, non est igitur liber. Maxi-
ma est quod partibus non inest, nec toti.

Considerantur utraq;

à Modo, Quantitate, Tempore et Loco.

A Modo, ut Nero ne hominis quidem officium fe-
cit, Tantum abest ut Christiani hominis officium fe-
cerit, hoc alij à communi ad particulare uocant L.
M. A. Quocunq; remouetur totum in modo & ea-
ius pars.

A Quãtitate, si in omnibus est uerus uates Apol-
lo, & in hoc uerus esse perhibetur, quod dixit, Aio
te Acacida Ro. uincere posse. M. Quod tribuitur
toti in

toti in quantitate, & eius partibus.

A tempore, si Catilina semper est infesto animo
aduersus Rempub. etiam nunc est.

Nona Coniugata.

Quæ dicuntur coniugata: Quæ ipsa uocis simili-
tudine sub unum iugum sunt deuincta, ut sub sapien-
tia, sapiens & sapere: sub iusticia, iustus & iusta. A
Coniugatis sic argumentatur Terenti. Homo sum
humani nihil à me alienum puto. Maxima est si unū
coniugatorum cuiuspiam conuenit & reliquum.

Consutatur præsens locus, si quid addatur. Vali-
da enim plerunq; existunt argumenta, & à præsen-
ti loco ducta, Si quando coniugata coniugatis refe-
runtur sine adiectione ulla, propterea non ualet.
Philosophi sunt mali, ergo Philosophia non ualet.

Vsus.

Ad quid conducit præsens locus? Ad diffinitionē:
Apertius enim ex persona sapientis & huius officijs
& operibus peruideas quid sapientia, quam ipso sa-
pientia nomine: Item ad exempla Rhetorum: ut si
quis affirmet malum esse regnare, deflectat oratio-
nem ad coniugata, hoc est, ad reges, puta Cyri, A-
lexandri. &c. constabit argumentum.

Loci qui comitantur Substantia-
am, Primus.

Communitè hærentia.

Quæ dicuntur Communitè hærentia? Quæ sese
comitantur, idq; uel semper uel plurimum. Hæc ali-
as ada-

as adiuncta, & adiacentia dicuntur, possunt huc quoq; referri quæ à Rodolpho contingentia sunt adpellata.

A presenti loco hoc modo argumentatur Cicero in Offici. Adolescentia temeritati è obnoxia, igitur difficulter genus uitæ constituit.

Item Claudius Nero nihil habet in corpore suo diuinæ maiestatis, ergo non debet fieri Deus. Maxima est, cui non inest aliquid ei, nec illud quod illius est consequens, inesse potest.

Facile confutantur communiter hærentia præsertim, si eiusmodi sunt, ut sæpenumero non consequantur.

Secund. Vfus.

Quid est usus? Cuiusq; rei functio. A presenti loco hoc modo argumentari licebit, si domesticis amicis. Item, Reipub. si quando necessitas postulat, est impertiendum, exaggeranda est res familiaris, & pecunia colligenda. Item si tueri uitam licebit, ergo etiam gestare gladium. M. Cuius usus est bonus, ipsum quoq; bonum.

Confutatur, si abulum pro usu ponas, in hunc modum interficere hominem malum est, igitur gladius malus.

Terti. Subiectum.

Quid est subiectum? cui insunt ea, quæ diximus inherencia, ut quia in Catone est prudentia, Cato dicitur subiectum prudentia.

Ex subiecto coniugit Cicero felicitatem esse in mente.

mente. Etenim, quæ pars inquit, est optatissima in homine, in ea situm esse necesse est illud quod quævis optimum;

Loci Externi. Prim. Causæ.

Quid est causa? Cuius ui euenit aliquid.

Quotuplex est causa? Quadruplex. Efficiens, Materia, Forma, Finis.

Quid causa efficiens? Quæ principium motus præstat, ut aliquid fiat, ut Sol Causa efficiens est Dici. A causa efficiente ad hunc modum argumentatur Cicero, Cratippum habes præceptorem, probabile igitur te. M. fili abundare præceptis. M. Quorum efficiens causa naturalis est, ipsa quoque naturalia sunt

Quid est Materia? Quæ formas rerum subiecta suscipit, ut ferrum cum desit, qui fieri potest ut gladios cûdât M. si nō ē causa materialis, neque ipsa quæ ex ea conficiuntur, esse possunt.

Quid est forma? Cuiuslibet rei species & ratio, ut poculum meum celatum est, igitur præstantius tuo M. Tantum unum quodque potest, quantum eius forma permittit.

Ab efficiente, materia, & forma ad hunc modum argumentatur Virgilius.

Tibi pocula ponam

Fagina celatum diuini opus Alcimedontis

Lenta quibus torno. &c.

Quid

Quid est Finis? Cuius gratia aliquid fit. A fine in hunc modum argumentari licet si civilis uita, rerū q̄; humanarū cognitio utilis est, & officiorum Ciceronis utilis cognitio. Itē si pax est bona, ergo bellum utile M. Cuius finis est bonus ipsū quoq; bonū.

Effecta.

Quæ dicuntur Effecta? Quæ fiunt à Causis efficientibus, ut Dies est effectum Solis, Ab effectis sic Cicero in Salustium inuehitur, prætereo patrem tuum, qui si nunquam in uita sua peccauit, tamen maiorem iniuriam Reipub. facere non potuit, quā q̄ te talem filium genuit.

Item gladius est, igitur ferrum. M. Posito effectū ponitur eius necessaria causa.

Confutantur hi loci in uniuersū omnes de causis, si non à propria causa proprius colligitur effectus, & rursus à proprio effectū, non propria causa.

Vsus.

Ad quid conducunt hi loci? Principio in genere demonstratiuo præcipuas obtinent partes cum & laus & uituperatio nō alia re certius ueriusque cōstent quā effectis & fine. Deinde in genere deliberatiuo plurimum possunt. Duo enim ista in consulendo maxime sequimur expediat nec ne, & an fieri possit. Quorum quid expediat ex fine colligimus, quid fieri possit, ex efficientibus, Quicquid enim utile id alicui rei consequendæ utile oportet esse, sic quicquid fieri posse uolumus maxime ex effi-

E

cientis

facultate poterit ostendi: Quinimo & effecta fide
facultatis faciunt: Postremo in genere iudiciali,
quotiens dubitatur de uoluntate & facto promun-
tur argumenta à fine, ut copiosissime tractat Ludo-
nicus Viuers de instrumento probabilitatis.

Secunda Generatio,

Quid est Generatio: Est rei pductio, à quo loco
ita argumentamur, Concordia ciuium optima, igi-
tur & Ciuitas M. Cuius generatio est bona ipsum
quoq; bonum.

Tertia Corruptio.

Quid est corruptio? Rei productæ abolitio à cor-
ruptione sic argumētari licet, malum est extingue-
re Rempublicam, ergo Respublica bona. M. cuius
corruptio mala est ipsum quod corrūpitur bonum

Confutatur presens locus, si prædicatum conse-
quentis non est contrarium seu oppositum prædica-
to antecedentis.

Quarta Autoritas.

Locus ab autoritate siue iuditio rei fide estima-
tur, neq; enim omnis persona est eiusdem autorita-
tis, ergo prima autoritas, ut inquit Ludouicus Vi-
ues, est dei, & earum rerum quas non dubitamus
à Deo profectas, Secundo loco & ex genere huma-
no philosophi, quique humanū genus paterna qua-
dam charitate complectuntur, ut legum latores, &
i à quibus ciuitates formantur ad uirtutem & re-
cti custodiam: Tertio loco amici de quorum ingenio

ac periti.

re peritia bene sentimus: Postremo uolenti, pueri.
Et mente capti, qui fallere nesciunt.

Confer huc pronuntiata apud Rodolphum. lib.
primo de inuentione dialecticæ cap. uigesimo quar.

Ab autoritate ita argumentari licet. Quia Ho-
merus dixit: nihil homine enutrit tellus infirmius
alma, ergo in terra nihil est imbecillius homine M
unicuiq; in sua arte perito credendum est.

Elicuatur autoritas, si quod qui dicit, nesciat aut
ignoret de quibus loquitur, uel natura, uel imperi-
tia, aut si adcesserit peritia, eam tamen parum pfi-
cere, citra asuefactionem, hac quoq; adquisita, non
posse tamen absq; arte bene censere. Quod ars in
uniuersam sit de omnibus, experimenta de singula-
ribus, in summa contradicere quempiam sibi, forti-
ssimum est argumentum.

Quinta Simile.

Quid est Similitudo? Est par ratio, cur dictum
hoc tam congruat huic obiecto, quam illud illi: sic
dissimilitudo uersa uice impar ratio est &c

Est enim huc conferendus locus à dissimili.

A simili, quemadmodum Sol unus omnibus sufficit
ita uox una præceptoris cunctis discipulis. M. simi-
lium idem est iudicium.

A dissimili sicut Brutus occidit liberos proditio-
nem molientes sic Manlius uirtutem filij morte mul-
tauit M. Dissimilium ratio dissimilis. Locus à simili
confutatur si aut dissimile esse docebimus, quod al-
ter simile dixit: aut aliam commodiorem similitu-

cinem adducemus.

Sexta Comparata,

Quo distinguitur praesens locus à similitudine: Si militudo est duorum collatio in duobus aut pluribus in totidem Comparata. uero duorum uel plurium in uno.

Cuiusmodi sunt Comparata? Aut à maiori ad minus, aut à minori ad maius, aut à pari ad par. A maiori ad minus negatiue firmior procedit argumentatio in hunc modum Si Troia Dei manu extructa non potuit esse tuta ab incendio, quanto minus ualidum Troianorum tutum esse poterit M. si id quod magis uidetur inesse nec inest, nec id quod minus uidetur inesse, inerit.

A minori ad maius affirmatiue conuenientius argumentatur in hunc modum si histriones circa corporis motum decorum seruare decet: quanto magis uirum bonum. Et si Antenor sedes habet, quanto iustius Aeneas proles Iouis sedes habebit. M. Si id quod minus inest, & id quod magis.

A pari Si patri in filium ius est, & in filiam & si fratrem domi alis, cur me reicias? M. Aequitas paribus in rebus, paria iudicia desiderat.

Refer huc exemplum quod coniuuctissimum est cum Comparatis & similibus & species illorum nisi quod exemplum est factum uel dictum cuiusq; ad imitationem pertinens, ut si in eadem causa M. Cato sibi ipsi consciscere mortem honestum fuit, alij si se interemissent inhonestum, ergo sua cuiusq; na-

turacontuenda.

V S V S.

Ad Quid conducunt hi loci? Ad exhortandum
presertim inequalia, quæ ad exhortationem, ut in-
q̃t Cicero in Topicis, sunt efficaciora.

Septi. Transumptio.

Quid est Transumptio? Quoties nomen meta-
phorice, hoc est trāslatiue sumptum, per propriū
explicatur, ut Ouidius.

Quis enim celauerit ignem.

Lumine qui semper proditur ipse suo.

Pertinet huc locus ab Amphibologia, ut

Quis neget Aeneæ magni de stirpe Neronem
Sustulit hic matrem, sustulit ille patrem.

M. Quicquid alicui conuenit sub nomine meta-
phorice sumpto, eidem conueniet, & sub nomine
proprio sumpto.

Octa. Repugnantia.

Quid est Repugnantia? Est per se disidens re-
rum habitudo, qua fit, ut alterum dici id esse quod
alterum non possit.

Quot modis fit repugnantia? Duobus modis, aut
enim repugnant, unum uni, & dicuntur opposita,
aut uni plura & dicuntur differentie seu disparata

Opposita.

Quæ dicuntur opposita? Quæ repugnant, unum
uni sic, ut neq; alterum de altero, neq; ambo de ter-
tio dici possint, ut Cæcitas. uisus.

Quot sunt species oppositorum? Quatuor. Rela-

F. iij. tiuā,

tiua, Contraria, Priuatio, Contradicientia.

A Relatiuis hoc pacto argumentari licebit. Si ego tibi cliens non sum, nec tu mihi patronus. Item si me præceptorem agnoscis, cur ego te non discipulum? M. posito uno relatiuo, ponitur & alterum: sublato uno, tollitur alterum.

Confutatur, si non rite assignetur Relatiuum, nõnim recte colligitur seruus est: ergo herum comitatur, sed sub hero est.

Quæ sunt Contraria? Quorum utrumq; potest simul existere, & alterum sine altero esse, ut calidum, frigidum, sanum, ægrum. &c.

Quotuplicia sunt Contraria? Duplicia. Mediata & Immediata.

Quæ dicuntur Mediata? Quorum est aliquod medium, ut album & nigrum: medius enim aliquis color est, uel rubeus uel pallidus. Horum remoto uno, non necessario alterum ponitur.

Quæ dicuntur immediata? Quorum nullum est medium, ut calidum, frigidum. Horum uno remoto necessario alterum ponitur.

A contrarijs Immediatis hoc modo agumentamur, Si amandus qui bene meretur, odio prosequendus qui male: Si fortitudo cum iustitia coniuncta est uirtus, ergo sine iustitia est furor. M. Quod alicui conuenit id eius contrario non conuenit.

Quid est priuatio? Est defectus alicuius in eo, quod id natum est habere, ut Cæcitas est defectus uisus, non in quouis, nec enim lapis cæcus dicitur, sed

in eo quod natum est uidere.

A priuatiue oppositis hoc modo argumentamur. Cecus est, igitur nunq̃ uidebit. Item si mēte captus est, quomodo igitur sapiet? M. in priuatiuis opposita sibi conuenire non possunt.

Quæ sunt Contradientia? Quorum negatur uero id ipsum quod est altero affirmatum: ut si sedet, impossibile est igitur non sedere. Si Aeneas est pius impossibile igitur est Aeneam non esse pium. M. Cōtradientium: posito uno tollitur alterum.

Differentia.

Quæ sunt differentia seu distantia, seu disparata? Quæ sic repugnant, ut non certo ductu unum contra unum dirigatur, sed satis est substantijs esse inter se dimota. Adcipe duas uirtutes iustitiam & temperantiam, quamuis nulla harum apponatur alteri, tamen ita inter se differūt, ut nulla sit id ipsum quod alia.

A differentibus ita argumentamur, si homo est, igitur nec asinus, nec equus &c. Marmoream domum diruisti & reponis lateritiam? M. De rebus plurimum differentibus idem intelligi non potest.

In Confutatione horum locorum, antequamnia considerandum an illa habeant medium, an sit tempus & subiectum à natura diffinitum. Obseruandum etiā in quo sint talia. No cœnam hominibus, non ergo equis: non sunt in hoc disparata. Item hic homo habet seruos albatos, non igitur atratos, non sunt in hoc contraria. &c.

Quinam loci sunt maxime certi? Finitio, Diuisio
Etymologia, Genus, Species, Differentia, Propriū,
Totum, Partes, Coniugata, Cause, Effecta, Genera-
tio, Corruptio, Repugnantia. Reliqui medio modo
se habent, imo quidam ex his sunt tanquam stellule
quedam in oratione, ut similia, comparata & exē-
pla. Hec de locis Dialecticis.

De locis Sophisticis.

Quoniam in omni genere disciplinarum tam ne-
cessarium est cire quæ non sunt propria, quā quæ
unius cuiusq; discipline propria, quod nemo recte
de ulla disciplina disputare, nisi qui eadem ratione
de uitjs quæ penè infinita quamlibet artem conse-
quuntur differere poterit, operæ precium esse du-
xi hoc loco subijcere compendium de locis Sophisti-
cis, Qui etiam si nihil ad artem pertineant, his ta-
men instructus adolescens facile uitabit Sophistarū
tricas, ut Varro inq̃t, Attellanas & captiones.

In quibus ergo consistit omnis captio seu fallacia
In tribus, In forma, materia, & in utroq; In forma
si quando argumentatio aberrabit à regulis de Syl-
logismo præscriptis, in hunc modum, magistratus de-
bet propellere uim à Ciuibus. Cicero est Consul, er-
go Cicero debet propellere uim. &c. Peccatum est
in forma, quia quatuor adsunt termini.

In materia, hoc modo, quisquis intense gloriæ cu-
pidus, est, stultus est. Vir fortis & intēse gloriæ cu-
pidus

pidus ergo uitium est in materia, hoc est, in mala diffinitione.

In utroq; Omnis homo est animal bipes: Gallus est animal bipes, ergo gallus est homo, peccatum ē in materia, quia male diffinitio hominē: peccatū est in forma, aberrat enim a modis secundæ figure.

Quid est locus Sophisticus: Sedes argumenti Sophistici.

Quomodo diuiduntur loci Sophistici? In locos in dictione & extra dictionem positos.

Quando dicuntur in dictione positi? quando uitiū ex genere sermonis oritur, cuiusmodi sunt æqui uocatio, amphibologia, compositio, diuisio, aduentus, & figura dictionis. Qui loci re ipsa non sunt aliud nisi uariæ formæ ambiguum.

Quando extra dictionem positi? quando in re seu propositionum connexionē peccatur. Cuiusmodi sunt, accidens. Secundum quid ad id quod simpliciter, ignorātia Elēchi, petitio principij, consequēs, non causa ut causa, multæ interrogationes.

Prim. Æqui uocatio.

Quid est Æqui uocatio? Cum dictio seu simplex uox plura significat: Ab æqui uocatione in hunc modum committitur fallacia. Quicquid ridet habet os pratum ridet, igitur pratum habet os, Æqui uocatio est in uerbo ridet. Item quicumq; sanabatur, sanus est, ergo ægrotans sanus est, homonyma est in participio ægrotans.

Secun

Secun. Amphibologia.

Quid est Amphibologia? Cum oratio ambigunt sententiam intra se claudit in hunc modum. Quicquid uidet quippiā, hoc ipsum uidet aliquis uidet columnam, ergo columna uidet, ambiguitas casuum est in hoc ipsum: Item Quocumque uellem me adprehendere, uellem ut me adprehenderent: Hostes autem uellem me adprehendere, igitur uellem ut hostes me adprehenderent, Amphibologia est in constructione.

Quomodo differt Amphibologia ab equiuocatione? Equiuocatio ex ipso nomine diuersas res significante dolos struit: Amphibologia uero ex oratione Technas meditatur.

Tertia & Quarta Compositio & Diuisio.

A Composito & Diuiso committitur fallacia, si quando constructione perturbata aut punctis male distincta fallimur in hunc modum. Quicumque scit literas, nunc didicit illas. Grammatica peritus scit literas, igitur nunc didicit illas, peccatum est in compositione.

Item. Quocumque uidisti hunc percussus, hic percussus est: Atqui oculo uidisti hunc percussus, igitur oculo percussus. Peccatum est in diuisione.

Quint. Adcentus.

Ab adcentu hoc modo struimus fallacias, omne malum est fugiendum, primum est malum, ergo fu-

F v giendū

giendum: Item qui ad aram confugit, liber est. Ad haram fugisti, ergo liber, fallacia est in malo, prima breui & prima longa. In hara aspirata & sine aspiratione.

Sext. Figura Dictionis.

Quando decipimur figura dictionis: Quando similitudine uocum circumscribimur, in hunc modum. Discere est circa disciplinam exerceri, exercere circa disciplinam, est docere: Discere ergo est docere. In exerceri & exercere fallacia est. Item quicquid heri emisti, hodie comedisti, crudum heri emisti, ergo crudum comedisti, fallacia est in quicquid & crudum.

Loci extra dictionem positi.

Prim. Accidens.

Quid est hoc loco accidens? Quando idem assignatur subiecto siue essentiae, & accidenti: non enim quia multa eidem accidunt, necesse est omnibus predicatis, & ei de quo predicantur, omnia illa similiter inesse, ut quod ego sum, tu non es. ego sum homo, ergo tu non es homo, in prima est praedicatio accidentalis, in secunda essentialis. Item homo est animal, animal est genus, igitur homo est genus.

Secun. Secundum quid Ad id quod simpliciter est dictum.

Quid est simpliciter dictum? Quod sine circumstan-

stantijs exprimitur: ut uxorem dimittere licet.

Quid est secundum quid dictum? Quod cum circumstantijs offertur, ut uxorem adulteram dimittere licet. Ergo cum ex secundum quid dicto, illud quod simpliciter est tale.

Et contra (sed hoc negative, illud affirmatiue) efficere uolumus sit hæc fallacia, ut licet uxorem adulterā dimittere ergo uxore dimittere licet. Itē nullo uxorem dimittere licet, ergo nec adulterā.

Pertinet huc si quando ex diuisis coniunctum infertur, ut ille est claudus, & est philosophus, ergo est claudus Philosophus.

Terti. Petitio Principij seu Nugatio.

Quid est petitio principij Cum idem in conclusione repetitur hoc modo, Clodius fecit insidias Miloni, ergo Clodius insidiatus est. Item, Omnis delator est exterminandus, & hic est delator, ergo omnis delator est exterminandus, peccatum est utrinque in forma.

Quart. Consequens,

Quando struitur fallacia consequentis? quando ex antecedente non recte infertur consequens in hunc modum. Virtus est igitur iustitia: homo non est, neque igitur animal.

Quint. Secundum non causam ut causam.

Hoc modo faber est, igitur domus sit? Item multe sediti

et seditiones orta sunt ex predicatione Euangelij
igitur Euangelion autor est seditionis.

Sext. Plures interrogationes.

Quid dicis plures interrogationes? Cum plura
de uno aut unum de pluribus interrogamus in hunc
modum, Sunt ne hæc bona an mala: demonstratis,
quæ neque omnino bona, neq; omnino mala sunt: Itē
sunt ne hæc uidentia, an non uidentia? si sit concessum
sim similiter unum & plura dici.

Sept. Ignorantia Elenchi.

Quid est ignorantia Elenchi? Est ignoratio fir-
marum & illabefactabilium probationum, ut Asty-
anax filius est Hectoris & non Priami, ergo Asty-
anax filius est & non filius Item, cognosco Socratē
& eundem non cognosco uenientem. igitur cognos-
co Socratē & eundem non cognosco.

Facile est diluere id genus fallacias si considere-
tur conclusio ad contradictionem: Nam in istiusmo-
di sophismatibus infertur Contradictio adparens so-
lum, cum re uera nulla sit. Fit enim omnis Contra-
dictio respectu eiusdem et eodem tempore, ut si duo
unius quidem dupla. Trium autem non dupla, ergo
idem duplum & non duplum.

De recta Solutione. Paralogismorum.

Quid est recta Solutio Paralogismi? Est eiusdem manifestatio.

Quot modis manifestatur Paralogismus, hoc est falsus syllogismus? Duobus modis, aut per interemptionem, aut per distinctionem Per interemptionem ut quoties ex falsis collectus est. Per distinctionem vero, cum adparet Syllogismus & non est.

Canones.

1 In omnibus Paralogismis, qui sunt per equi uocationem, amphiboliam, compositionem. diuisionem & adcentum, & si quod sumptum est multiplex, distinguendum & ratio consequentiae examinanda est.

2 In omnibus paralogismis qui fiunt per figuram dictionis, per accidens, per id quod est secundum quod & simpliciter, per ignorantiam Elenchi, per non causam ut causam, per hoc quod est plures interrogationes facere ut una, Consequentia neganda est, mox cur negata sit ratio subiungenda.

3 In omnibus paralogismis, qui sunt per id, quod est petere principium, ipsum antecedens aut negandum plane est, aut certa ad dubitandum.

Peroratio

PERORATIO.

Habes, ornatissime Sebastiane, Dialecticen Cæsarij doctissimi hominis, in cōpendium redactam à me: Quem duplex potissimum causa ad id laboris subeundum perpulit: Altera q. subtilius nonnulla, altera q. prolixius quædam adultis tradita inter enarrandum occurrebant, quæ simplicioribus huius artis tyronibus, paulo planius ac breuius, nec minore cum fructu tradi posse uidebantur. Quippe nullius me laboris pœnitebit, imo uoto prorsus meo satisfactū arbitror si illū, qualēcūq; meum uni tibi, cuius solius iuditio (quod acerrimum) aut stabit aut cadet, probatum iri cognouero: Deinde tuis, quos optime exēctationis priuatim in iuris prudentia: cuius studiosissimus effulges: instituendos suscepisti, discipulis ūsui: Eademq; occasione, et alijs huius Academicæ celeberrimæ, cui quidquid in me est debeo, studio sis pueris utilitati futurum intellexero, Vale

Ioan.

IOANNIS LVDOVICI VIVIS De Disputatione.



Veritatem non plene aut aperte
acies mentis nostræ intuetur,
multa & densa obscuritate cor-
poris oppressa, atq; hebetata.
Sed nos obscuritatem hanc à no-
bis in res ipsas traducimus, ut

cas altissimis ac cæcis admodum tenebris dicamus ob-
rui, et inextricabilibus inuolueris occultari. Quo sē-
su pronunciauit Democritus, ueritatem in altissimo
puteo demersam latere. Ad purgandos autem ho-
sce cortices, ut nucleus prodeat purus, ingenium
humanum examinandum ueritatis facultatem à De-
o accepit, cuius functio disputatio nominatur. Nā
quemadmodum uites, nuces, ferrum, aurum, putan-
tur, reiectis mutilibus, ita in examine illo inquisitio-
ne ueritatis remotis uel falsis, uel ambiguis, ac in-
certis, ad ea ueniat, que dubio procul sint uera.
Lux hæc est, quæ ingenio nostro infertur, ut per ea
quæ in confesso recipiuntur pro ueris, illa de quibus
dubitatur, explanentur, aut ea refutent, quæ nobis
sub specie se insinuabant ueri. Sit ergo nobis diffinita
disputatio argumentorum ad aliquid probandum
aut improbandum comparatio. Nam ubi pro alter-

utra

disputatio
quid.

utra parte nullū ē argumentū, nec disputatio pōt ul-
 la existerē duces animi nostri sunt uires illi à deo ad
 cognoscendum, & de cognitis iudicandum attribu-
 tæ. Ioannes Philoponus ex Repub. Platonis quinq;
 nos habere animi functiones scribit, Mentem, Dianœ
 am, Opinionem, fantasiā, sensum, horum istæ sunt
 uires & opera, Sensus lentior est, q̃ ut syllogismo di-
 scurrat, & aliquid colligat. Mens celerior q̃ ut syl-
 logismum expectet Opinio assus est phantasia seu
 uisum apprehensio Dianœa quam sanē cogitationē
 dicamus est motus, itaq; hec raciotinatur, & syllo-
 gismo utitur. Hæ quidem contemplationes sunt de
 anima: sed de his non plura in præsentia dicam, nec
 acuratus, quam quod instituto nostro erit satis. Ra-
 ciocinatur ergo cogitatio uel ex ijs, quæ mens illi
 suggerit, uel quæ opinio, uel quæ uisum. Nam sensus
 uiso seruiunt: ideo sub ἐνδοσκόπῳ à Platone compre-
 henduntur. Mens ad cogitationem, quantum asse-
 qui potest, uerissima & perfectissima adfert, uelut
 axiomata, naturales informationes, & in omnium
 animis impressas insculptasq; notiones, ex quibus ap-
 tissimæ ac firmissimæ rationis nectuntur syllogismi:
 in quibus est scientia, si alibi usquam. Oppinio suppe-
 ditat credibilia, aliàs uera, aliàs falsa: unde existunt
 syllogismi uerissimiles, qui secum nonnullam dubita-
 tionem important. Visum suunt ministrat uanas ima-
 gines, somnia, hallucinationes, imposturas: ducitur
 enim phantasia, similitudine, quam ex ignorantia,
 atq; incogitantia coniungit temere, & commiscet,

Animæ
 quinq;
 functi-
 onum.

ut unum ex duobus aut ex multis confundat, unde error nascitur ambiguitate uel uocis, uel sententiæ: ut quum uox plura significat quæ commiscuntur, et redduntur tanq̃ unum, nempe uerbi ancipitis, uel orationis amphibolæ: tum ex scripto quod non distinguitur accentu, aspiratione, scriptione recta. In sensu autem quum ab una significatus ratione ad aliã latenter subitur: nempe ab essentiali ad inherens. uel contra uelut quum sic coniungimus, homo est animal, animal autem est genus, mel est dulce, dulce uero aliud alio magis. Adde huc, quum praua conclusio pro uera recipitur, q̃ aliquam illius præ se imaginem ostendet: de quibus uitij superius admonuimus. Nam phantasia, ut leuiter ab uno in aliud mutatur, ita etiam leuiter assentitur: ut in quocunq; inciderit, obsegniem ulterius scrutandi subsistat illico, & acquiescat: itaq; uehementer fallitur, quoniam neq; ambigua distinguit, neq; partes inter se confert, ut quemadmodum compositæ sint, & colligate animaduertat. Iudicium animi inter hæc tam diuersa uelut disceptator quidem sedens incipit eorum omnium uires, & uelut causam expendere, quæ reprobat omnino respuit, & damnat, quæ adprobatur, alia secure admittit, alia incertus. Sunt inter quæ anceps & animi dubius pendet, quod similitudo aliqua & uerū apparct, & falsi. Hij iudicij motus è tribus argumentorum generibus excitantur. In quibus et res debent spectari, & connexio, Argumenta omnia uel ex certis exploratis necessarijs de-

Iudicia

rijs depromuntur rebus, uel ex Probabilibus, &
 quæ de coniecturis pendent, non sunt hæc rerū ipsa-
 rum nomina, sed quæ cuiq; uidentur, alijs enim alia
 sunt certa, & indubitata, eadem etiam non omni-
 bus talia. Quæ eliciuntur ex certius, nexuq; iungū-
 tur euidenti ac perspicuo cum ijs, quæ confirmant,
 iudicium ad se pelliciunt securum, argumentatio hu-
 iusmodi nominatur certa atq; euidens. Quæ uero
 uel probabilia sunt, uel non manifesta complexione
 cum eo coherent, cui probando adhibentur, iudici-
 um ad se inuitant nutās & suspectū, nec plane sibi fi-
 dens ipsi, hæc argumentatio probabilis nuncupetur
 siue credibilis, ab Aristotele Dialectica Ambiguum
 est iudicium, & quasi seipsum sustinet, quum pares
 sunt argumentorum uires pro utraq; parte in re
 controuersa, ac uelut paria in lancibus pondera.
 Quæ argumentatio iudicium fallit, ea uel de mate-
 ria decipit, ex qua constatur, uel de artificio, nem-
 pe forma & colligatione partium, cognitio mate-
 riæ ad singulas artium pertinet, ut quū dicitur om-
 nis unius principatus optimus Tyrannus est princi-
 patus unius, ergo optimus, forma uero & compo-
 sitio huius sunt loci, omnis uirtus suauis, & uolupta-
 tas suauis, uirtus igitur, hic proprie paralogismus
 appellatur, nam prior ille tametsi ex falsis, tamē
 bonus esse syllogismus potest, qualis est ille idem
 Materia argumentorum generatim quidem sic i-
 tur obuiam, Certa & necessaria ostenduntur non
 esse eiusmodi, si declaretur aliud simillimum neces-
 sarium

Materia
 argumen-
 torū quo

modo traſarium non eſſe, interdum quoq; ex eodem illo argu-
atur. mento contrarium concludi. Si opponatur autori-
tas, fuſſe, quibus non ſit uſum tale, quorum ingeniū
& iudiciū alijs in rebus pro ualido ſit habitum.

Probabi-
le

Probabile eſt, quod cuiq; uidetur ita eſſe, non, certa
& euidentiratione, ſed neſimiliore, quam ſit con-
traria ſumitur aliquando probabile pro comperto
& explorato, ſed de illo priore nunc loquimur.
Probabilia uel infirmantur, uel tolluntur penitus,
infirmantur, ſi planum fiat minus eſſe in eis robur,
quā putabatur, ſolere contrarium plerūq; eueni-
re. Tolluntur obiectione eorum quæ illi ſint uel ne-
ceſſaria uel magis credibilia, & patefactione circū-
ſtantiarum, cur in hoc loco, in hoc tempore, in his
rebus illud non procedat. Probabiliora ſunt quæ ef-

Probabili
ora.

ficatiora pro ſe habent argumenta, quæ uel pariter
efficatia ſed plura tamen ſunt, quibus quicq; fidem
habet, quo maiorem, hoc ſunt magis efficatia. In cō-
iecturis non ſatis labefactat, qui non neceſſarias o-
ſtendit, aut non fortes, ſed qui non bonas: quod ſit
exponendo in pleriq; uſu uenire contrarium non ſi-
milibus tantum, ſed in hoc eodem loco, tempore, ho-
minib9, rebus: ut erubescere hūc et trepidare, & ti-
tubare, & perturbari pro ſigno conſcientiæ accipi-
tur: atqui ſic ſolet in omni congreſſu, etiam apud a-
miciffimos, tutis & ſecutus rebus, ut Cicero de qua-
cunq; cauſa dicturus. Iam uero argumentationem a-
ptam & conſectam uel repellimus uel diſſoluimus

Argumen. uel eludimus, uel retundimus. Repellitur, quum ne-
gatur

gatur bene colligi: dissoluitur quum profer = tationis
tur captio, quæ quia ferè fit ex ambiguo & simi = tractatio
li idcirco uocatur distinguere: in quo tanq̃ re duas
aut plures in partes discisa, membrum unum ipsi no
bis sumimus, alterum uel reliqua aduersario conce
dimus, eluditur, quum adfertur absurdum, quod se =
queretur si ita esset retunditur, & quasi opprimi =
tur, quum fortius contra id argumentum opponi =
tur. Qui uero negat aliquid in argumto ita habe
re, nihil ad argumentationem dicit, sed ad examen
partium illius: de quo iam sumus locuti. Elusio à re
trusione non multum distat: Vtraq; ab Aristotile ap
pellatur ἐνστροφίς, Latine ad uerbum instantia, sed
appositum rei uocabulum est obiectio, uel obex: qui
uelut currenti argumento obijcitur, ut sit in flumi =
nibus, quod est non connexionem argumenti dissol
uere aut discindere, sed uenienti occurrere & quasi
cursum impedire, idq; cogitationi nostræ non raro
accidit. Nam quum ex intantione argumentationis
res sequitur per absurda, tum animus uelut iniecta
manu sistit primum, hinc quum se non bene progres
sum fuisse deprehendit, unde cœperat reuertitur: et
quamuis nesciat dicere, quo nam sit falsus loco, ubi
sit erroris causa errorem tamen inesse non dubitat. De instan
Opponitur obex argumentationi ex eodem, ex simi = tia.
li, ex contrario, ex autoritate. Ex eodem: si quis
dicat, amor bonum quia dulce: occurritur imo ma =
lum, quia indigentia. Ex contrario: Bonus uir ami =
cis nocebit, q̃ ab eis læsus, à quibus minime oportet =

bat: nequaquam, q̄ nec malus amicis noceat, etiam
ab eis lēsus. Ex simili, hic homo maleficio est semel
affectus, semper igitur oderit, qui hoc? quum benefi-
cio affecti non semper ament. Ex autoritate igno-
secundum his, quia sunt pueri: obijcitur, imo Salomō
iubet, ut uirga ne discedat à puero. In quo sunt exē-
pla dictorum, & factorum. Parcendum huic, quia fi-
lius. Atqui Torquatus & brutus etiam occiderunt
suos: & maluerunt orbi uitam agere quam habere
improbos. In quibus non dissoluitur uinculum prio-
ris cum posteriore, sed fluxum atq; inualidum osten-
ditur. Quanq̄ in multis elici potest, quod dissoluat,
sed longiore ambage: ut quum dicimus, bonum uiri
non lēsurum amicos lēsum ab eis, quod malus non
referat amicis maleficij gratiam: sic soluitur prior
probabilitas ex secunda, quod lēso non debet esse
causa ultionis in bono, quando quidem non est in ma-
lo? quod est argumentum à comparatione minoris.
Tum maleficio semel affectus semper oderit, ex ob-
iectione efficitur, amorem non esse perpetuum, ita-
q; nec esse nature affectuum, uisunt perpetui: qua-
re quum odium sit affectus, mutabitur tempore.
Dicendum iam est de singulis argumentationum ge-
neribus Et syllogismi quidem quæ sit ratio, quæ deu-
Exemplū tio propositi cum intentione, alibi demonstraui-
mus Exempli uis est in similitudine: nam similibus causis
similes attribuit natura effectus, similibus principi-
is similes progressus atq; exitus: similibus qualitati-
bus, atq; affectionibus similes facultates & eiusmodi

Idcirco ad persuadendum non repugnanti, atq;
ei, qui ultro sequitur aptissima est hæc probandi uia
ut quæ docet & ostendit magis quàm cogit: confir-
matur similitudine, dissimilitudini infirmatur, quã
difficile non est in omni simili inuenire. Neq; enim
sunt ulla tam conformia, quæ non aliqua in re discre-
pent: quin etiam si repugnans eam differentiam nõ
inueniat, haud in re culpam esse suspicatur, sed in se,
qui uel non bene inquiserit, uel non facile inueniat:
examinandum est tamẽ an difformitas sit in eo, quo
de agitur, ut Cato se occidit, ne Cæsari seruiret, er-
go tu occide te, ne seruias Tyranno, respondebitur
non esse simile nam Catoni summum erat malorum
seruire, & illis prophanis, at innitatis Christiana
pietate non item, adijcitur, immo summum malorũ
est seruire eum quem Christus liberum fecit, ita est,
non quidem homini seruire, sed peccato & diabolo
Demosthenes tantus euasit orator studio cur non et
tu quoq;? quia in illo studium ardentius ingenium ui-
uidius, iudicium acrius, sermo patrius haustus cum
lacte. In libello Ciceronis de Senectute quum Cato
exemplo sui docuisset non debere ætatem grauem
esse senibus, excipit Lelius: fortasse dixerit quispiam
tibi propter opes, & copias, & dignitatem tuam
tollerabiliorem senectutem uideri? Id autem non
posse multis contingere subiicit Cato: non dignitati
bus aut diuitijs fieri ætatem leuem, aut molestam,
sed sapientia uel stultitia: nec solum triumphalibus
uiris iucundam esse senectutem, sed ijs etiam, qui pu-
re ac ce

Enumera
tio.

re ac eleganter etatem transegerunt. Si dissimilitu
do non sit praesto, consilium crit sequendum M. Fa=
bij ut dubia liceat dicere fabulosa, quales sunt apo
logi, poeticae narrationes, Milesia fabulae, res mul
tae Chaldeorum, Persarum, Aegyptiorum, sin uera
& certa esse constet, tentandum, an obtineri pote=
rit, ne illa quidem recte esse facta. Tum autoritas
eius excutitur qui quid dixit, non dixit, fecit non
fecit, quanti oporteat esse momenti apud nos: con=
firmatur autoritas ad corroborandum argumentu
elevator ad debilitandum: de quo in inquisitione ue
ritatis diximus. Enumeratione deprehensa sunt ar=
tes omnes, nempe ex multis experimentis collecta
formula. Si haec herba nocuit huic homini, profuit
illi asino & huic & illi, ergo omni homini no cet,
omni asino prodest: si in aliquo instatur, ruit totum.
sed omnes singulares percussere impossibile. Aliquas
pro omnibus sumimus ad postremu uero adijcimus
quod si pro alijs: ut sic in ceteris, uel non uidetur
aliquid esse in contrarium, uel non est in contrariu
obseruatum. Infirmitatem dare aliquid ad oppositu
est necesse, tunc uel destruit, uel concutit. Scrupu=
lum etiam inijcit addubitatione: fortasse non sic es=
se in omnibus, rem esse nouam, nec dum satis explo
rata: ut de ligno hebeno, & multis rebus, quae hac
primum etate in notitiam uenerunt: uel quod pau
cis est id deprehensum. Licebit tum ex ijs adferre a
liqua, quae quum crederentur esse certissima, tem
pus docuit non esse talia: quae exempla non rara
sunt

sunt & in natura rerum, & in uita hominum. Alter
 uero uel ostendet quid sit uitij in eo, quod ille obij-
 cit, cur ab aliorum natura degeneret: ut si radix ar-
 boris sit medicata: uel saltem impetret in plerisq;
 pro re noua multa sunt experimenta pro uetere
 multos quæsisse neminem inuenisse in contrarium
 Saltem uerisimile esse, quandoquidem aduersum ne
 mo comperit toties uestigatum. Inductio Socratica Inductio.
 argumentatio est conformis naturæ: quum in alijs
 ita sit, quæ sunt similia, ita debere esse in hoc. Qui
 depellit, reddat causam differentie, quemadmodum
 in exemplo. Sed maiorem hic esse, ac fortio-
 rem uenit, ubi tot sunt exempla allata pro uno aliquo,
 uelut cui credas nauem in periculo, eligis non ami-
 ciorem, sed peritiorem: cui Rempub. cui equum do-
 mandum, ergo cui pecuniam: ex aduerso occurritur
 non est ita: nam in illis opus est arte, hic fide. Tum
 faciendum est planum & illic esse opus fide, & hic
 arte: quoniam quidem si inimicus sit prodet consul-
 to: & hic si imprudens, perdet nesciens: nam eandem
 illam adferre pro instantia, de qua est controuersia
 per absurdum est. Vtebatur etiam Epagogis Socra-
 tes, q. aptissimæ sunt ad capiendum: quum enim sin-
 gularum rerum interrogatiuncule proponuntur,
 minus apparet fraus: quæ profert se uelut acie ex-
 plicata: minusq; circumspicit is, qui respondet quid
 sequatur ad posita sibi, ac concessa, quid repugnet Comparatio.
 In comparatione uis late est sparsa, nec ad certam
 formulam potest redigi, quæ ad inuentionem argu-

mentorum magis pertinet. Paria aut maius & minus inter se in aliquo uel aliquibus conferuntur. In-
tuendum an in eo ipso sint paria, uel maius: & mi-
nus. Priuatus homo gignit tot liberos, non gignet
Rex: non sunt in hoc maius & minus. Priuatus con-
cionabans, ergo & consul, non sunt maius & minus
in concionando: quæ sepe numero præbent urbani-
tatis materiam. Quin ego uno uerbo cedam, cui ce-
dunt in omnibus triginta legiones? iquit Fauorinus
In eo quod fit, quid maius sit aut minus dicere est e-

Relatiua ius, qui uires rerum nouit: ut hoc efficit illa herba,
ergo & illa alia: in eo autem quod decet, prudētis
A minori aptum est argumentum confirmationi: A
maiori informationi. A pari utriq;. Similiter de re-
latiuis dicit Aristoteles, quod posito uno, ponitur
& alterum: sublato, tollitur. Sed hoc recte est in-
telligendum, si aliquis est pater, aliquis est filius: si
nullus est pater, nec filius: & hoc quidem certe in
essentia, nam in alijs non sunt relatiua: Nullum pa-
trem uideo, ergo nec filium: nullus filius docet, er-
go nec pater. Videndum ut rite assignetur relati-
uum: est seruus, ergo serui seruus: non bene, sed he-
ri seruus. Nam ut alibi est declaratum sunt quedam
paria: amicus inimicus, simile dissimile. Alia imparia
pater filius, herus seruus. Neq; uero proba est hæc
collectio, est seruus, ergo comitatur herum: sed sic
ergo est sub hero: sicut est herus: ergo possidet seruū
quando in hoc est seruus, ut sit sub heri potestate, et
herus, ut possideat seruū. Iste non est pater, ergo
nec fili

nec filius, inualida est: non enim dictum est tollere
mutuo in singulis quod dictum est in uniuersali: in
singulis autem imparibus contra ualent, ut respec-
tu eiusdem posito uno, tollatur alterum: hic est di-
scipulus huius, ergo non magister huius, nec solum
comparatione eiusdem relatiui, sed eiusdem rei, in
qua committuntur: nam potest esse simul, & disci-
pulus & magister in diuersis rebus. In aduersis &
priuantibus, & disitis ad infirmandum, cernamus
prius, an illa habeant medium, an sit tempus & sub-
iectum à natura definitum, istuc uero aliunde pete-
tur. Obseruandum etiam in quo sint talia: do cenā
hominibus, non ergo equis: non sunt in hoc disita:
hic homo habet seruos albatos, non igitur atratos
haud sunt utiq; in hoc aduersa, si quem delectat ui-
sus huic est cecitas inimica, in hoc priuantia: quip-
pe quam delectationem potest adferre uisus, hanc
cecitate necesse est amitti. In gradatione uis est, ut **Gradatio**
quod sequitur ad minus, nempe ad illatum, sequatur
ad maius, nempe ad rationem. Cauenda est hic, ut
in omni genere argumentationis, ambiguitas: studi-
osi amant otium, qui amant otium sunt desides: ali-
ud est otium studiosorum, aliud desidium Quod hic
puer uult, mater uult: quod mater, uult pater: qđ
pater, populus: puer uult pila ludere, ergo & po-
pulus: aliud est, quod puer uult matrem uelle, aliud
quod mater patrem, aliud quod pater populum.
Transitus est obseruandus, in quo sepe dolus delite-
scit: qui bene potat, bene dormit, qui bene dormit,

Sorite

nihil facit: transitur ad aliud tempus: nam non in eodem tempore potatur & dormitur. Qui nouit Laurentium Vallam, nouit & Theodorum Gazam, qui hunc & Politianū, q. Politi. Erasmū, ergo qui Vallā Erasmum quoq;. Sed in hoc uniuersalitas tuetur cōplexionem: neq; enim uerum est illorum aliquod in uniuersali. In Soritis multi erant Stoici, & Academicici noui illi ab Archesila & Carneade in deprehendendo quæ sunt multa, pauca, magna, parua, longa, breuia, lata, angusta: omnia deniq;, quæ dimensu quodam animi sunt per partes constituta, de quibus Cicero 4. Academicarum questionum meminit Res ualde est spinosa, & inuoluta, propterea quod terminos, qui consistunt in diuisibili, ipsi in infectili pñcto collocari postulant: nec acruus consummatur singulis granorum, nec destruitur: ut nec pilis cauda equi, aut nummatim est diuicias definire sed multis simul: ita adiciendo per indiuidua mirum nō est nunq̃ attingi, quod queritur. Adde quod nec per diuisibilia & quidem lata, qualis sunt quæ mens nostra in illis capit: itaq; per modios tritici est agendum, per crines centenus, per sestertia, & huiusmodi. Dilemma aptum est ad perturbandum, quum animus uelut indagine undiq; circumseptus, non statim prospicit exitum, aperitur effugium, si quid sit medium, ut si duxeris diuitem, erit ferendum, si inopē alēdum, medium est aliquid, ut reflectitur antistræphonte. Si diuitem, lautius uiuam, si pauperem, quietius. Sed hoc non tam est refellere dictum, quā rege

Dilemma

regere. Sunt alie probationes conclusionis, q̄ refle Reflexae nominantur, quum negata illatione sumitur eius probatio oppositum, ex quo solo, uel eo cum una parte propositi res ad id quod est maximum, & grauissimum deducitur, duo contradictoria ostendi simul uera, illi priores ductus sunt recti ad docendum & dicendum apti, iste ad refellendum, quemadmodum syllogismi, qui affirmatiue concludunt, ualent ad probandum, qui negatiue, ad improbandum: at uero in probationibus & quasi putatione hac tamdiu progrediendum, quoad ueniatur uel ad ea, quae necessaria sit, & omnibus cognita, uel ad probabilem, cui sine absurditate magna refragari non liceat probabile dicetur, quod cuiq; est receptum. Huc usq; postquam peruenieris, si pergas ulterius, periculum erit, nimirum ne sicut est in prouerbio, nimirum scalpendo sanguinem elicias, & uiuum rescindas, dum superuiscanea immodice consecretaris putando illud in primis animaduerti conuenit, non omnia rerum genera quae posita sunt in dubitatione partibus constabiliri argumentis posse. Quae res sub sensuum noticiam ca torum radunt, aptiora argumenta admittunt, & sensui magis expedita: cuius notae sunt effecta naturalium causarum. Quae uero mente, ca informationibus, quas hominum mentibus natura inculpsit fulciuntur: ut multa in mathematicis, & prima philosophia. Porro quae mentis indagine, quasi eruuntur abdita & abstrusa, credilibus sunt quibusdam contenta, uel sensibus uel menti magis accommodatis. At quae prae-

dentia, & usu uite ea exposcunt, ad que plura sequuntur publice aut priuatim commoda, uel certa potiora, & ampliora, uel pauciora & leuiora dāna siue in futurum siue in præsens. Multum ualet in his autoritas illorū qui sapientia & probitate prestantes esse homines existimantur: de quo numero sunt studiosi sapientie, senes, negotiorum callidi, legumlatores, magistratus, senatores, populi, ac ciuitates, quas accepimus bene institutas. In ijs que docentur cœlitus, quæq; sensum omnem captumq; humani animi exuperāt, & à solo deo cognosci possunt & tradi, potissimas partes ferunt dei ipsius autoritas, tum eorum, quos à Deo illustratos & edoctos esse euidētia nobis signa ostendunt: ut argumenta quibus dicta sua cōfirmant, dictis ipsis sint similia nempe diuina & naturam excedentia. At quemadmodum probabilia sunt ad probationem ambigui admota, ita absurda ingeruntur ad reuincendum cōtradictorium eius, quos nos intendimus. Vt pietas est summum bonorū: nam ni esset cedo quid aliud in eius locum reponeres? id ne quod situm esset in animo, an quod in corpore? que in corpore, communia sunt nobis cum beluis: que in animo cum demonibus dempta pietate: summa erga hominum boni uel bene participes erunt, uel demones, quod est nefas. Absurda eodem propmodum censentur, quo probabilia. Hactenus de tacita & uera cuiusq; secum disputatione. Nam in commissa illa & comparata, que est duorum, non perinde potest uerum cerni,

ac ex

ac excudi, ut in illa interiore. Conflictu enim exter Disputa-
no mentis acies turbatur uel affectionibus suscitatis tio exte-
uel attentione ad ea que sunt foris. Adde quod quem rior.
admodum prudenter inquit Arist. duorum d. ssertio
et sermocinatio per orationem fit: in qua multe
occultantur fraudes: et latenter irrepunt: que ue-
ro disputatio est unius secum, fit per res, que omnia
liquidius ante oculos statuunt, et apertius. Itaque; eti-
am in ea, que unius est disputatio, si per orationem
exerceatur, multas se insinuare in animum fraudes
est necessum. Quippe fraas omnis ex similitudine o-
ritur uel ueri uel boni, at similitudo anceps maior
promptiorque est intelligentia dictionum, quam re-
rum. Sed de hac nobis aliquorum siue disceptatione
siue altercatione paucula quedam uideo dicenda:
ne hec scholæ exercitatio desiderari tanquam præter-
missa à nobis possit: tametsi de ea multa et in libris
Topicis, et in Elenchis Aristotiles præcepta tradi-
dit. Nos uero breuiter more nostro ac dilucide sum-
mas contrahemus earum rerum, que nobis ad hoc
institutum uidebuntur facere. Caput est in alterca-
tione omni ut sciatur, quid positum sit in controuer-
sia, et de quo disputantes contendunt, alioqui enim
temere ac ridicule multa ultro citroque iactabunt,
quod passim uidemus in disceptationibus contingere
ut alter aut cælum agitari, alter conetur euincere
terram in mundi medio quiescere, proximum est ut
respondens perspectam illorum omnium habeat na-
turam, de quibus agitur, ut ea non solum à diuersis
atque

atq; abſimilibus cogitatione ac animi iudicio ſeiun-
gat, ſed à conformibus etiam, quæq; ex ſimilitudine
fucum poſſent faceret ad fraudem, ex hac ſepara-
tione naſcetur, ut et diſtinguere ambigua, & diui-
dere, & diſſimulare recte ualeat, quorum trium igno-
rantia magnos in diſputando & turbulentos er-
rores affert, clamoresq; abſonos, plenos contentio-
nis, quum uelut andabata, qui pedem contulerunt,
oculis clauſis dimicent, & plerunq; uſu uenit, ut
quæ quis ignorat, tueatur pertinacius. ſiue oppug-
net ſeu propugnet, ratus uera ſeſe aſſeuerare, quum
contra qui à falſo ſe ſtare non neſcit, lentius agit, ac
remiſſus ex conſcientia uidelicet, non ignarus capta-
re ſe tantum. Quapropter ut hæc uterq; clarius p-
uideat, conſeruandum eſt iudicium integrum, mini-
me perturbatum tempeſtate aliqua affectionum,
quæ omnes incitata & accenſa uelut ſumum quen-
dam rationi & facultati iudicandi offundunt, quò
ueri perſpicientia impeditur, utiliſſimum eſt alter-
cando non commoueri animo. Idcirco bilioſi, ſeru-
di, irritabiles, captores inanis gloriæ, non ſunt ido-
nei altercationi, præſertim aduerſus ſophiſtam ua-
frum. Incenduntur enim facile & cenſuræ tanq; dei
ciuntur de gradu eorum quæ dicuntur, ut quid uel
Antiſophiſta obijciat, uel ipſi reſpondeant, non attē-
dant. Tum ſtudioſiſ gloriæ adeo eſt obſeruandis om-
nium uultibus, geſtibus, nutibus occupatus, ut ea quæ
dicuntur non poſſit animaduertere. Conſine intelli-
gentiæ rerum earum, quæ in contentione uerſantur
illud

illud est, ut aduersarij uerba probe intelligat, quo
sensu ab illo soleant dici, quo ab auditoribus accipi.
Sophista est, qui non ueritatem sequitur rei, sed opi
nionem auditorum uenatur de se, in qua finem sibi
statuit uel quæstum, uel gloriam, uel irrisiõnem ad
uersarij, aut aliquid affectus prauī. Quare argumen
tis laborat efficere, ut quæ antisophista confirmarit
labefacta ab se. Alij credant, & ostendisse, falsa esse
illum pro ueris complexatum, falsum id esse duorū
modorum altero conuincitur, uel quum idem ipse
qui affirmarat, uinctus ratione & argumentis con
fiteatur se falsum sensisse, quæ est repugnantia uel
quum id quo argumentorum uiribus protruditur,
contrarium est opinioni eorum, quibus fides iure de
beatur, nepe sensui omnium, uel opinioni ac sententie
eorū, q̄ adsunt, uel receptis uulgo opiniõib9, uel eorū
q̄ p̄ sapiētib9 habētur cēsura ac iudicio, q̄ p̄ falsis ma
nifesto exhibētur, aut p̄ absurdis atq; absonis re p̄bā
tur aut nō admittuntur tanq̄ paradoxa. Sed ma
xime omnium cupit sophista ab ipso eodem aduer
sario confessionem contrarij extorquere. Non enim
perinde & gloriosum sibi ducit, & diuersam tueri
partem turpe, si ille falsum aliquod ultro admit
tat, quibus si id paradoxum ac dubium pugnatus cū
eo, quod posuerat altercando cogatur recipere,
molem et uim rationum non sustinens. Sed nos tamē
momentaneam illam gloriam tantopere affectanti
concedamus facile: modo ipsi ueritatis fructū tencā
m9, ut si aberrasse sitiamus nos, reuertamur in unū
sine

siue ultro, siue ab alio admoniti. Quippe satius &
fructuosius est recta ingredi, quo intendimus, quā
aduersario non concedere de uictoria, & pertinaci
ter tueri falsum, inuicti quidem persisteremus, sed
contra uerum, à quo uinci longe præstat. quā om-
nino contra illud tendere. Vinci ab homine contra
disputante leue est ac breuissimum dedecus, falli au-
tem & decipi malum ac miserimum, nec raro uinci
ab altercante perpusillum honorem illi parit, tibi
uero emolumentum grande, discedit ille inflatus ui-
ctoria, tu liberatus ignorantia tanto ac tam foedo
malo. Vitanda sunt tamen in sophista tria potissi-
mum captionum genera. Ambiguitas omnis seu uer-
bi unius, seu multorum, propositio falsorum dogma-
tum pro ueris, nempe uniuersaliter dictorum, que
tantum in parte ualent, & colligendæ argumen-
tationis nexus fraudulentus. Nec eius inter disputan-
dum doli nos lateant. Nam ille in quibus situs est ne-
gotij totius cardo, agere se cōtemptim simulat quo
id negligentius à respondente expendatur. Tū que
perpera sunt admissa, uel concessa, uel negata, blan-
dis uerbis approbat ac extollit, ut in eo cōfirmetur
respondens, quod cum assensu & laude uidet accipi
Itaq; suspectus sit nobis siue negligentiam præ se fe-
rens, siue approbationem. Proponit etiam quæstio-
nes uarias, ut ex responsionibus in eam demum inua-
dat, quam se ex animi sui sententia tractaturum cō-
fidat. Quocirca unam aliquam iubebimus eam deli-
gere quam uelit uentilari. Quod si cœperit ex no-
stro

stro campo digredi, sensimq; & dolose aliorum pel-
 licere, cogendus est, ut de statu questionis disputet,
 deq; eo, in quo uersabitur controuersia, idq; impen-
 se urgendum, ne imprudentes eo delabamur, de quo
 diceremus iparati. Quapropter si disceptatio cer-
 ta sit ac finita expedies in respondendo paulo pluri-
 bus explicare rem, ne ambiguitate obscurecat, &
 ignorantia claudatur, unde breuissimo gradu dolus
 inuadat tanquam ex insidijs ad quem patefaciendū
 si post longam altercationem reuertamur, credat
 aliquis non sponte nostra huc nos uenisse, sed deuolu-
 tos sophiste impulsibus, sin autem disputatio incerta
 sit atq; infinita, de eo, quodcunq; poterit ex uerbis
 nostris sophista arripere, consultiſſimum fuerit bre-
 uissima responsa interrogationibus reddere, & ma-
 xime ad rem Sed Sophista interim sinit sese rogari, Sophista
 ut ostendat, q̄ facile nos eludet, ac frustrabitur, ita respondēs
 q; responsiones ædit ancipites, ut semper sibi caueat
 effugium, operæ precium fuerit exigere ut aperti-
 us loquatur, & rem diffinitione ac diuisione planio-
 rem faciat, ut omnia circumstantibus reddantur a-
 pertiora, ne & nos illi uideamur cauillando simi-
 les. Itaq; dabimus nos operam ne ludere atq; argu-
 tari in uerbis existimemur, sed ijs utemur naturali-
 ter eo ipso sensu, quo ab spectantibus consueuerunt
 sumi. Sunt interrogationes nonnullæ multiplices,
 quarum simplex & categorica responsio ambigui-
 tatem ex quesito trahit, fecisti sacrilegum? non feci
 dubium est, quorsum ea responsio pertineat: utrum

quod nihil omnino surripuerit, an q̄ non sacrum, uel
non de sacro: hoc si sophista recusat exponere, ut ca
ptantem deludat, nos ipsi simplicius querendo ex
plicabimus: surripuisti hoc an non? Si negat, id est e
uincendū, sin fatetur, ad hoc sacrū, itidē si abnuit, p
band' sin ānuit an de sacro. Idē, accidit in quouis ar
gumēto multiplicite, ut si q̄s psuadere uelit imperiū
unius esse optimum, q̄ Romani in maximis quibusq̄
Reipublice periculis ad creandum d:ctatorem soli
ti essent, confugere. Sophista hic inueniet, quo &
Romanos perstringat, non fuisse illam bene consti
tutam ciuitatē: & de dictatoribus cauilletur, uer
tisse illos ciuilem & legitimam potentiam in tyran
nidem, ut Syllam, & Casarem, & q̄ non semper id
sit factum, ut in cede Clodiana, & alias nonnunq̄
itaq̄; adhærebit, cui erit commodissimum, uel ex u
no in aliud transiliet: nos uero in eo ut sistat, postu
labimus, in quo sit caput controuersie. Sed ille tam
men quum de re non habet iam amplius quod dicat,
ad auertendam ab argumentis audientium intentio
nem, uel dicit de aduersario, uel ad res alias egre
ditur: que iam ad disputationem, non pertinent, &
ueri inquisitionem, sed ad rixam, aut inuicem
quandam uelitationem: in quibusdam ue
ro interim ad præsentem necessita
tem elabendi.

IOANNES MVRMELLIVS

Ruremundensis, Petro suo S.

Rogas me sedulo, & crebro adhortaris Petre suauiſſime, ut breui te arte instituā, quam ratione uoces eas, quæ in categorijs locū habēt discernere queas ab illis quæ à prædicamentiſ alie næ ſunt: & ut certos quosdam tibi tradam canones, quib. facile diſcas, in quo unaquæq; uox categorica prædicamento reponatur. Ardua proſecto res eſt, & ſeuſ caninæ facundiæ morſibus expoſita, in tam uaria & multijuga opinionum diuerſitate, dialecticorum alijs alia ſentientibus, breui ea libello perſtringere, quæ pluribus longiſſimi operis uoluminibus uix ſatis exacte potuerint uel à doctiſſimo philoſopho explicari. Cū tamen mecum cogitem, quantum utilitatiſ tibi ſtudioſiſq; liberalium artium iuuenibus ex hoc quod petis, prouenturum ſit: utcunq; pro temporis quo ſuppetit ocium, breuitate, uotis tuiſ non morem gerere non poſſum. Accipe igitur lucubratiunculam hanc noſtram, ut habeas iſagogē quandam in Ariſtoteliſ decem prædicamentiſ: & ingenium ſuū ne grammaticæ ſolum, ſed fructuoſiſ etiam dialecticæ ſtudijs excolito, ut uera diſcens à falſiſ & finiendi, diuidendi, argumentandiq; rationem tenes rectā uiam habueriſ, & iter expeditū ad optimā quanq; diſciplinā. Vale, & Præceptorē tuū dilige. Alemariæ Phryſiorū oppido ſtudijs liberalibuſ ſanē quam accommodato. Anno à partu uirginis. M. D. XIII. Idibuſ Septembris.

IN ARISTO

TELIS DECEM PRAEDICA

menta Ioannis Marmelij Ruremundensis

Isagogæ.

TS Agogen hanc in decem Aristotelis peripateti
corum principis categorias tribus digero capi
tibus: quorum primo quidē agam de uocibus à præ
dicamentorum serie reiectis & alieno: secundo autē
super ijs, quibus in ordine categorico locus est: ter
tio uero dictiones aliquot tradam, quæ uel ad diuer
sa prædicamenta, uel ad unius eiusdemq; seiunctas
species referuntur. Porro ut hæc facilius memorie
commendari possint, & tenatius inherere, singula
capita in suos titulos sunt distributa.

De uocibus a Prædicamentorū
serie reiectis & in alienis Isagoges
in Aristotelis prædicamēta

Caput primum.

| | |
|--|------------|
| Decem esse prædicamenta. | Titulus. 1 |
| De prædicamentorum quæsitis. | Titu. 2. |
| Nouem regulis cognosci uoces à prædicamentis ali enas. | Titu. 3 |
| De reiectis à prædicamentorum ordine uocibus re gularum nouem. Prima. | Titu. 4. |
| Secunda regula. | Titu. 5. |
| Tertia Regula. | Titu. 6. |
| | Quarta |

Quarta regu.

Quinta regu.

Sexta regu.

Septima regu.

Octaua regu.

Nona regu.

Bisariam aliquid locum habere in prædicamento.

titulus. 13.

De dictionibus quibus in ordine categorico locus est

Caput Isagoges huius 2. Series categori. substan. ti. 1.

De ijs que sunt prædicamenti substantiæ, Regula
prima.

Regula secunda

Regula tertia.

Regula quarta

Regula quinta.

Regula sexta.

Regula septima

Regula octaua

Regula nona.

Regula decima.

Regula undecima.

Regula duodecima.

Series categoriæ quantitatis.

De ijs que sunt prædicamenti quantitatis.

Regula prima

Regula secunda

Tertia regula

Quarta regula

ti. 7.

ti. 8.

titu. 9.

titu. 10.

titu. 11.

titu. 12.

titu. 2.

titu. 3.

titu. 4.

titu. 5.

titu. 6.

titu. 7.

titu. 8.

titu. 9.

titu. 10.

titu. 11.

titu. 12.

titu. 13.

titu. 15.

titu. 16.

titu. 17.

titu. 18.

I iij Qui

| | |
|--|-----------|
| Quinta regula | titu. 19. |
| Series predicamenti ad aliquid | titu. 20. |
| De ijs que sunt predicamenti ad aliquid. | Pri- |
| ma regula. | titu. 21. |
| Secunda | titu. 22. |
| Tertia | titu. 23. |
| Series predicamenti qualitat. | titu. 24. |
| De ijs que sunt prime speciei qualitat. | Regu |
| la prima. | titu. 25. |
| Secunda regula | titu. 26. |
| Tercia regula | titu. 27. |
| Quarta regula. | titu. 28. |
| De ijs que sunt secunde speciei qualitat. | Regu |
| la prima. | titu. 29. |
| Secunda regula | titu. 30. |
| Tercia regula | titu. 31. |
| De ijs que sunt tertie speciei qualitat. | Regu |
| la prima. | titu. 32. |
| Secunda regula | titu. 33. |
| Tercia regula | titu. 34. |
| De ijs que sunt quarte speciei qualitat. | Re |
| gula prima | titu. 35. |
| Secunda regula. | titu. 36. |
| Series predicamenti actionis. | titu. 37. |
| De ijs que sunt in predicamento actionis, | Regula. |
| titulus. | 38. |
| Series predicamenti passionis. | titu. 39. |
| De ijs que sunt in predicamento passionis, | Regu |
| la. | titu. 40. |
| | Series |

| | |
|--|-----------|
| Series predicamenti ubi. | titu. 41 |
| Descriptio ubi ex Trapezoncio. | titu. 42. |
| De ijs que sunt in predicamento ubi, Regu. | titu. 43 |
| Series predicamenti quando. | titu. 44. |
| Descriptio quando ex Trapezontio. | titu. 45 |
| De ijs que sunt in predicamento quando, | Regu. |
| gula. | titu. 46. |
| Series predicamenti situs. | titu. 47. |
| Descriptio situs ex Trapezontio. | titu. 48. |
| De ijs que sunt in predicamento situs, | Regu. |
| la. | titu. 49 |
| Series predicamenti habitus. | titu. 50 |
| Descriptio habitus | titu. 51. |
| De ijs que sunt in predicamento habitus, | Regu. |
| gula. | titu. 52. |
| De dictionibus aliquot, que uel ad diuersa predi- camenta, uel ad minus eiusdemq; sciuncta species referuntur. Caput huius introductionis terciū | |
| Quod una eademq; species secundum aliud atq; ali- ud diuersis generibus supponi possit. titu. 1. | |
| De habitu, dispositione, scientia, sensu, & positio- ne. | titu. 2. |
| De raro, spisso, leui, & aspero | titu. 3. |
| De calido, humido & lumine. | titu. 4. |
| De Doctore, imperatore, uiro, comite. | titu. 5. |

De vocibus a prædicamentorum
serie reiectis & alienis Isago-
ges in Aristotelis prædis-
camenta.

Caput Primum.

Decem esse Prædicamenta. Titulus. primus.

Primus omnium Aristotiles decem categorias
constituit, Quæ à Quintiliano elementa dicū-
tur, à Seuerino Boethio Prædicamenta. Sunt autē
hec, Substantia, Quantitas, Adaliquid, Qualitas,
Agere, Pati, Vbi, Quando, Situs, & habere. Sub-
stantia est (ut singulatim exempla referantur) ut
homo. Quātitas, ut linea. Adaliquid, ut pater. Qua-
litas, ut iustitia. Agere, ut secare. Pati, ut secari. Vbi
ut in Academia. Quando, ut hodie. Situs, ut iacere.
Habere, ut rogatum esse, Sed & his ca uersiculis cō-
plexi sumus.

Arbor, sex, seruos, seruore refrigerat, ustor.

Ruri, cras, stabo, nec tunicatus ero.

De prædicamentorum quæsitis.

Titulus Secundus.

Decem prædicamentorum quæsitua tradunt ca-
ruditi: Quid quantum, quid huius, quale, quid agens
quid patiens, ubi, quando, quomodo situm est, quo-
modo

modo habituatū est. Cum enim quæritur, quid est
Socrates? respondetur, homo animal, aut substantia
quæ à quibusdam dicitur essentia. Quantus est So-
crates? interrogatus respōdet, quadricubitus. Quid
Platonis? Magister. Qualis? temperans. Quid agit?
disputat. Quid patitur? uerberatur. Vbi philosopha-
tur? Athenis. Quando locutus est Alcibiadi? hodie.
Quomodo situs est? stat. Quomodo habituatū est
palliatū.

Nouem regulis cognosci voces a Prædicamen-
tis alienas. Titulus. Tertius.

Quemadmodum (ut Scuerini Boethij uerbis utar
qui serere ingenium uolet agrum: liberat arua pri-
us fructibus, falce, rubos, silicēq; resecat, ita & nos
primum te docebimus, quæ uoces à prædicamentis
alienæ sint, ut ijs reiectis, in prædicamentorum se-
rie collocandus faciliori ratione comprehendas. Te-
nendæ igitur tibi sunt nouem regulæ, quas his triui-
libus uersiculis comprehendī.

Complexum, consignificans, fictum, polysemum
Vox Logice, Deus, excedens, priuatio, parsq;
Hæc studiose categorijs non accipiuntur.

De rectis a prædicamentorum ordine vo-
cibus regularum nouem. Prima.

Titulus. Quartus,

Prima regularum hæc est: Nulla uox complexa,
nisi simplicis loco accipiatur, in prædicamento po-
nitur: proinde si quis te rogarit, in qua categoria
collocatur iustus homo? in nulla respondeto. Signa
te autē

De autem additum est, nisi simplicis loco accipiatur
propter uerborum inopiam sepe numero pluribus pro
uno cogimur uti: ita ut tametsi uoces sunt plures, in
tellectus tamen sit simplex, et res quae significatur, uni
na, exempli gratia, corpus animatum licet uox sit
complexa, genus tamen est unum, sic et quantitas
continua, et quantitas discreta.

ΣΥΝΚΑΤΗ
ΓΟΡΕΜΑ.

Secunda regula.

Titulus quintus.

Nulli syncategorimati locus est in categoria. Syn
categorema dicitur, uox consignificatiua, id est, ea
quae nec uniuersalem rem, nec particularem signifi
cat, sed consignificat, id est, cum alia dictione orati
onem ad significandum ingreditur, ut omnis, nullus
aliquis, quidam, hic, ille, utinam, quidem, apud, heu.
Sciendum hoc loco est ex octo partibus orationis
(quas grammatici constituunt) duabus duntaxat,
nomini quidem et uerbo locum parere praedicamen
ti: participium aut cum uerbo suo comprehendere,
aduerbium uero sub nomine. Nam ut literati docent,
et nomen in aduerbium, et rursus aduerbium in no
men aliquando transit. Loci aduerbia ad praedica
mentum ubi pertinent, Temporis ad quando. Qua
litate uero et quantitatis aduerbia, ad qualitatem
quantitatemque reducuntur.

Tertia regula.

Titulus sextus.

Omnis uox rei commentitiae et fabulosa (quam
natura non fert, significatiua est a praedicamenti a
liena: ut Cerberus, Sphinx, Chymera, Siren, Cyclops
Harpyia, Styx, Acheron.

Quarta

Quarta regula.

Titulus Septimus.

Nulla uox polysema in categoriam recipitur, nisi si ambiguitate deposita unū significat πολήσημα πολήσημα
græce dicitur, multa significans, ut canis terrestrē
significat, marinum & coelestem: unde lepidum ex
tat Ausonij de lepore capto epigramma.

Trinacrij quondam currentem in littoris ora

Ante canes leporem cæruleus rapuit:

At lepus: in me omnis terræ pelagiq; rapina est

Forsitā & cœli, si canis astra tenet.

Quinta regula.

Titulus octauus.

Voces Logicæ quas aliarum gratia dialectici u-
surpant, sunt à prædicamentis alienæ. Voces logicas
id est rationales appello eas, quas iuniores termi-
nos secundæ intentionis uocant, cuiusmodi sunt. No-
men, uerbum, oratio, propositio, subiectum, predi-
catum, genus, species, & id genus alia.

Sexta regula.

Titulus Nonus.

Nulli dictioni infinitum significanti locus est in
prædicamento. Infinitum quidem actu intelligo non
potentia: proinde Deus, numen æternum, increatū
creator: & id genus reliqua nullius sunt categoriæ.

Septima regula.

Titulus decimus.

Omnis uox omnia rerum ambiens genera loco
categoriæ uacat. Sunt autem quatuor (quæ uulgo
transcendentia dicuntur) teste Iohā. Pico, ens, unum
uerum, & bonum: si ita accipiantur, ut eorum ne-
gationes sint, nihil, diuisum, falsum, & malum. Ad-
dita sunt illis alia duo, aliquid & res, ab recentiori

bus Auicennam securis.

Octaua regula.

Titulus undecimus.

Nulla uox priuationem significans locum habet in prædicamento, ut cecitas, surditas tenebræ.

Nona regula.

Titulus duodecimus

Nulla uox patris principijue materialis seu constitutiuæ significatiuæ, in prædicamenti serie reponitur. Proinde forma, materia, corpus, anima, caput, pectus, uenter, manus, pes, & id genus reliqua sunt à prædicamentis reiecta.

Bifariam aliquid locum habere in prædicamento. Titulus decimustertius.

Bifariam aliquid in prædicamento locum habet nam aut per se in recta serie collocatur, ut genera, species, & indiuidua: aut per aliud prædicamento attinet, idq; trifariam. Primum, enim, differentie omnes specificæ eius sunt prædicamenti cuius genera, quorum illæ sunt diuisiuæ, non secundæ qualitatis speciei, ut ex Neotericis quidam loquaculi Sophistæ falso autumant. Deinde autem partes & principia prædicamento attinent: cuius easunt, quæ ex illis constituuntur, ut caput, pes, manus, ad substantiam referuntur, unitas, & punctum ad quantitatem. Postremo uero motus species ad suum quæq; terminum reducuntur: ut generatio & corruptio ad substantiam, crementum & diminutio ad quantitatem, alteratio ad qualitatem: loci mutatio ad ubi. Trapezontius motum quidem speciem quantitatis facit generare uero, corrumpere, augere, diminuere, alterare.

alterare, & loco mouere actioni subiecit Sunt, quā
motum ob ambiguitatem à prædicamentorum serie
remouent, cum de suis (que uidentur species) non u-
niuoce, uerum æquiuoce prædicetur.

De dictionibus quibus in ordine categorico lo-
cus est. Caput Isagoges huius secundū.

Series Categoriæ substantiæ. Titulus. i

Substantia

Corporea

Incorporea.

Corpus

Simplex

Mistum

Corpus mistum

Animatum

Inanimatum

Corpus animatum

Sensibile

Insensibile

Animal

Rationale

Irrationale

Homo

Socrates

Xenophon.

Plato

De ijs quæ sunt prædicamenti substantiæ

Regula prima. Titulus secundus.

Omne nomen significans substantiam incorporeā
est primi prædicamenti, ut spiritus, angelus. demon
manes, hoc nomine nunc intelligo animam à corpo
re separatam. Propertius: Sunt aliquid manes, letū
non omnia finit. Angelus autem bifariam accipitur,

namque

nunc pro spiritu, estq; huius categoriæ, nunc ut est
ἄγγελος officij nomen, non substantiæ (nam ἄγγελος græ
ce interpretatur nuncius latine) & est primi gene
ris qualitatis: tametsi quidam in prædicamentum
Adaliquid coniiciant.

Regula secunda.

Titulus Tertius.

Mundus, cælum, orbcs cœlestes, planeta, stella,
& elementa sunt huius prædicamenti. Cæli sunt de
cem: Cælum Empireum, cælum crystallinum, firma
mentum, & septem Planetarum orbcs. Planeta sep
tē sunt. Saturnus, Iuppiter, Mars, Sol, Venus, Mer
curius, Luna. quos hoc uersu complexi sumus. Luna
Hermes, Cypris, Sol, Mars, Iouis. & pater huius.
Rerum naturalium elementa sunt quatuor, ignis,
aer, aqua, & terra, de quibus hic noster est uersicu
lus.

Aer, ignis, aqua, & tellus sunt semina rerum.

Regula tertia.

Titulus Quartus.

Omnis animalis species est prædicamenti substan
tiæ. Specierum animalis, hæ sunt specialissimæ, ut
homo, equus, leo, ille uero subalterna, ut pecus, be
stia, belua, fera, quadrupes. piscis, auis, serpens, uer
mis. Pecudis species sunt, bos, equus, asinus, mulus,
camelus, ouis, capra, porcus, ceruus, elephas, &
id genus reliqua. Fera species sunt, leo, ursus, par
dus, tigris, lupus, u. 'pes, & id genus cætera. Prisci
subijciuntur, balena, cancer, conger, mullus, salmo,
carpo, concha, ostreum, gobio, rhombus, & cætera
species innumera. Auis species sunt, aquila, philome
la, bubo,

Et, bubo, noctua, ciconia, passer, coruus, mœnedula
psittacus, perdix, turdus, uultur, &c. Serpentis:
draco, basiliscus, uipera, carastes, seps, natrix. Vcr-
nus: Apes, araneus, bombyx, blata, culex, crabro,
gryllus, pulex, limax, papilio, hirundo, tineæ, tere-
do, & eiusmodi alia. Regula 5. Ti. 5

Omne nomen arboris est in categoriæ Substan-
tiæ, ut pomus, malus, pirus, abies, laurus, salix, betu-
la, uilis, robur, taxus, castanea, fagus, cupressus.

Regula quinta.

Titulus sextus.

Omne nomen herbe huius est predicamenti, ut a-
maracus, abrotanum, mandragora, malua, hyssop9
lactuca, fœniculum, elleborus, ruta, polegium, sal-
uia, lappa, tribulus, anethum, urtica, trifolium.

Regula sexta.

Titulus 7.

Omne fruticis nomen est huius categoriæ. Dicitur Frutex.
tur autem frutex, qui ad iustam arboris magnitudi-
nem non assurgat, & statura similis est herbis mul-
tis, sed non demoriturus, neq; arescit ut herba, uerũ
perennis est. Huius species sunt, nardus, mirrha, ca-
sia, genista, papyrus, arund9. Sciendũ est nonnullas
res easdem ab his inter arbusculis, ab illis inter fru-
tices numerari, ut iuniperum, balsamum, mirrham,
& id genus alia. De nonnullis etiam sint ne magis
herbe, an frutices dubitatur. Nec hoc ignorandum
est à Nicephoro corpus animatum sensibile diuidi in
animal & zoophitum. Dicitur autem ζωόφυτον
quod nec animalium, nec plantarum, sed tertiã ex
utrisq; naturam habet, ut urtica, marina, & spon-
gia, de quibus uide Plinium libro 9. cap. 45.

ζωόφυ-
τον quid

K Regula

Regula septima.**Titulus 8.**

Omnia florum, fructuum, & aromatum nomina: si capiantur ut res totas & per se integras significent, sunt in ordine huius predicamenti, ut rosa, lilium, narcissus, uiola, ligustrum, calta, pomum, malum, pyrum, prunum, cerasum, morum, bacca, oliua, cornum, ficus, glans, mespilum, nux, iuglans, castanea, auellana, aroma, saccharum, cinnamomum, zingiber, piper, gariophilon, & id genus reliqua.

Regula octaua.**Titulus 9.**

Frumentorum & leguminum nomina sunt huius categoriæ, ut triticum, siligo, far, hordecum, pannicum, milium, auena, faba, pisum, lens, aruum, lupinus uicia.

Regula nona.**Titulus 10.**

Lapidum & gemmarum uocabula sunt huius predicamenti, ut adamas, marmor, magnes, crystalus, succinum, smaragdus, iaspis, corallium, achates, carbunculus, chrysolitus, isaphirus, silex, thophus, pumex.

Regula decima.**Titu. 11.**

Omnia metallorum & fossilium nomina sunt in predicamento substantiæ, ut aurum, argentum, electrum, æs, orichalcum, stannum, plumbum, ferrum, alumen, sulphur, uitrum, sal, cadmia, uernix, minium, chrysocola, & reliqua.

Regu. 11. Titu. 12.

Omnia impressionum nomina, siue cæ sint ignitæ siue acce, siue aquæ, siue terræ, siue radiorum appositione fiant: huius sunt predicamenti Impressio à philosophis res naturales indagantibus, dicitur corpus mistum, imperfectum. Impressiones ignitæ sunt, stipulæ ardentes, æges, dali, sidus uolans, candela, trabes,

Vernix nomen est neque grecum neque latinum, sed a barbarica & uulgari appellatione in formam latinam translatum. Vulgo enim res ipsa uernis dicitur. Est autem species gummi, que graeco

trabes, columnæ, terretes lanceæ, clypei, globi, fa-
ces ignitæ, pyramides, draco uolans, & similes. Ad
duntur his ☿ cometes, & galaxias, Impressiones a
quæ sunt, uapor, pluuia, ros, pruina, nix, grando,
fôtes, fluminis, mare Aeræ, uëti, terremotus, fulmi-
na, æcnephias, Typhon. Quæ radiorû apparatio-
ne fiunt, sunt ✚ halon, iris, uirgæ, parelij de terreis
impressionibus in proxima regula dictû est, ubi de
metallis & fossilibus.

Regu. 12. Tit. 13

Omne nomen substantiam rei inanimatæ significans
est in categoria substantiæ. Hæc regula continet in
se quasdam supprapositas, & eam breuitatis gratia
damus ob multa de quibus nondum meminimus. Di-
cimus itaq; montem, collem, urbem, oppidum, domû
templum, turrem, tunicâ, togam, gladium, cultrû,
panem, uinum, lac, mel, ceruissiam, carnem, os, do-
lû, pateram, hastam, scrinium, & id genus reliqua
huius esse prædicamenti, nec assentimur ijs qui sim-
pliciter aiunt eiusmodi res ob figuram ab artifice in-
ductam esse de quarto genere qualitatis, cum substā-
tia longe præponderet accidenti. Quisquis recte
sentit, gladium substantiam quidem esse figuram ue-
ro eius qualitatem non diffitetur. Quidam contem-
dunt nullius esse prædicamenti nomina rerû artifi-
cio productarum, q; substantiam simul & qualita-
tē cōplectantur. Series categoriæ quātitatis. Ti. 14

Quantitas Continua Discreta

Quantitas continua

Intrinsæcus mensuratiua Extrinsæcus mensuratiua.

Quātitas continua intrinsæcus mensuratiua.

K ij Lau

fantaracha
dicitur, ut
busdam ut-
detur.

✚

κομήτης
γαλαξία
αε.

✚

αλωμ

ίης

παρῆλη.

Vnaque-
q; tamen
res à for-
ma sua ha-
bet, ut sit
id quod ē

Extensibilis

Illatibilis

Linea

Hæc linea. ista linea illa linea.

De ijs quæ sunt prædicamenti quantitatis.

Regula prima.

Titulus. XV.

Omne nomen magnitudinis est in prædicamento quantitatis, ut linea, superficies, corpus, longitudo, latitudo, altitudo, profunditas, crassities, bicubitum, tricubitum, pedale, bipedale, tripedale, sesquipedale, & id genus cætera. Regula 2. Titu. 16.

Omne nomen mensuræ ad hoc prædicamentum pertinet, ut uncia, digitus, palmus, pes, ulna, cubitum, passus, stadiū, diaulus, milium, dolichus, modius, sextarius, congius, hermina, choenix, urna, cotyla, cyathus, as & partes eius si capiantur ita, ut meram quantitatem significant. Ponderum nomina meo iudicio sunt à prædicamentis aliena, quia cum quantitate qualitatem significant: ut libra, semilibra, bilibris, trilibris, pondo, talentum. Sed hæc doctioribus relinquimus exactius disputanda. Illud quoque sit ne linea species infima, an subalterna, quod & de tempore potest dubitari. Tertia regu. Titu. 17.

Omne nomen numerale est huius categoriæ, ut duo, tria, quatuor, quinque, decem, centum, mille, binarius, ternarius, centenarius. Primus autem secundus, tertius, & id genus alia pertinent ad prædicamentum ad aliquid. Unitas autem non est numerus, sed eius principium. Regu. 4. Titu. 18

Omnis modulus quo dictionem dum ferimus, mensuramus, est huius prædicamenti: nam quantitatis, id

est, quo syllaba longe breuius mensuratur, ex quo
pervenit oratio, species, discreta, quantitatis.

Quinta regula.

Titulus 19.

Locus & tempus sunt categoriæ quantitatis, tam
etsi quidā locū in prædicamento ad aliquid reponat
& diuus Aurelius Augu. in confessionum opere fa-
teatur se, quid sit tempus, ignorare. Ac uñ quod huius
prædicamenti esse censendum est, æternitatem
uero nullius, Partes temporis sunt, hora, dies, septi-
mana, mensis, annus, olympias, lustrum, seculum, &
id genus reliqua. Series prædicamenti ad aliqd.

Titulus. XX.

Ad aliquid

Æqualiter comparabile.

Inæqualiter comparabile.

Ad aliquid inæqualiter comparabile.

Dignus correlatiuo

Indignus correlatiuo.

Relatiuum correlatiuo dignus.

Respicens filium.

Non respiciens filiū

Pater.

Hic pater

Iste pater.

Ille pater.

De ijs quæ sunt prædicamenti ad aliquid.

Regula prima.

Titu. xxi.

Omne categorema principali significato rem sig-
nificans non absolutam, sed alterius respectiuam, est
prædicamenti ad aliquid, ut pater, filius, auus, nepos
maritus, uxor, Socer, gener, magister, discipulus, patronus
patronus, cliens, domus, seruus, rex, parasitus, pa- cuiusmo-
tronus, libertus. (Est autem patronus nomē ambi- di nomen
guum & modo ad cliētem refertur, modo ad liber-
tum) dux, comes, duplum, dimidium, magnum, par-

K ij uum,

uum, multum, paucum, maius, minus, prius, posterius, amicus, inimicus, hospes, ciuis, socius, sodalis, hostis similis, dissimilis, equalis, inaequalis, & alia sexcenta. Secunda Regula. Titulus. 22.

Nomina cognationis & affinitatis sunt huius categoriæ: ut parens, proles pater, filius, auus, nepos, frater, soror, sobrinus, consobrinus, coniunx. com-pater, affinis, leuir, socer, gener, uiricus, priuignus

Tertia regula. Titu. XXIII.

Pleraq; nomina cum præpositione composita huius sunt prædicamenti: ut commilito, collega, confacerdos (qui græce symyistes dicitur) concanonicus, conuictos, cõtubernalis, condiscipulus, coadiutor, compotor, competitor, collacteus, collactaneus, cõseruus, cognominis, consanguineus, coepulo cohabitator, confabulatur, coniunx, concolor, consonus, eius modi reliqua. Series predicamēti qualitatis.

Titulus. XXIII.

Qualitas

Formæ attinens

Materiæ attinens.

Qualitas formæ attinens.

Comparata

Natura insita.

Affectio.

Facile dimobilis

Difficulter dimobilis

Habitus

Spiritualis

Corporalis.

Habitus spiritualis

Theoreticus

Præcticas.

Habitus intellectualis Theoreticus.

Conclusionis

Principiorum.

Sciētiæ

Scientia.

Contemplatiua.

Actiua.

Scientia contemplatiua.

Principalis

Adminiculatiua.

Logice

Disputatoria

Nō disputatoria.

Dialectice

Dec Diale-

Platonis dia

Chrysippi di

ctice

lectica.

alecticae

De ijs quæ sunt primæ speciei qualitatis.

Regula prima.

Titu. xxv.

Omnis dispositio & habitus corporalis est in primo qualitatis genere, ut calor, frigiditas, sanitas, finitas, castitas, candor, nigredo, fuscum, robur, ægrotudo, morbus, & eius species: ut febris, paralytis, pleuritis, podagra. Dispositio quæ & affectio dicitur, & latius accipitur & pressius. Primo modo est qualitas ad bene maleue operandum acquisita. Secundo est ad bene maleue operandum acquisita per facile à subiecto dimobilis. Habitus est ad operandum comparata qualitas difficulter à subiecto dimobilis.

Dispositio
quid, &
quot mo-
dis dica-
tur.

habitus qd

Secunda regula.

Titulus. XXVI.

Omnis habitus intellectualis est in primo genere qualitatis. Habitus intellectuales sunt quinque, qui intellectibus semper assentimur uero, Sapientia, Intellectus, Scientia, prudentia, & Ars. Nō, quibus modo uero assentimur, modo falso. Sunt autem opinio & suspicio. Sapientia est habitus cognitiuus dei & diuinorum. Intellectus est habitus primorum principum cognitiuus. Scientia est habitus conclusionis

Habitus i
tellectua
les quot
& q sunt
sapientia
Intellect9.
Scientia .

per de-

Prudētia. per demonstrationem acquisitus. Prudentia est re-
Ars quid. et ratio rerū à nobis agēdarū. Ars est recta ratio
Opinio. rerū à nobis efficiendarum. Opinio est assensus rei ua-
Suspicio. lidior. Suspicio est assensus rei minus ualidus. Scien-
tiarum igitur & artium nomina in hoc genere col-
locantur: ut grammatica, dialectica, rhetorica, ar-
rithmetica, musica, geometria, astronomia, physice
ethice, metaphysica, poetice, agricultura, militia,
lanificium, & id genus alia. Tertia regu. Titu. 27.

Omnes habitus morales, id est, uirtutes & uitia
sunt in hoc primo genere qualitatis, ut iustitia, iniu-
stitia, fortitudo, audacia, timiditas, liberalitas, auari-
tia, prodigalitas. A theologis nostris ponuntur etiā
in hac specie, habitus, spirituales infusi: ut fides, spes
charitas, & id genus uirtutes supernaturales: item
habitus concreati, ut species intellectuales & ratio-
nes angelorum mentibus concreatæ, sed huiusmodi
habitus non capit definitio à ueteribus peripateti-
cis data, nec mirum, cum illi ueræ religionis ac sa-
pientiæ expertes id genus habitus non nouerint.
Quare malim eos reponere inter qualitates præ-
ter hæc quatuor genera apparentes, aut aliam tra-
dere habitus finitionem, ac uulgo datur. Nec miran-
dum uideatur, q̄ dixerunt qualitates, præter hæc
quatuor genera app'rentes. Nā Seuerino Boethio
interprete Aristotelis in prædicamentorum libro
hæc uerba sunt. Et fortasse alij quoq; apparebunt
qualitatis modi, sed qui maxime dicuntur, fere tot
sunt. Quarta regula. Titulus. XXVIII.

Non

Nomina magistratuum et dignitatum sunt in hoc primo genere qualitatis, ut pontifex, Episcopus, sacerdos, rex, consul, pretor, censor, edilis, & id genus reliqua. Pauper item diues, fortunatus, infortunatus, beatus, foelix, miser, nobilis, ignobilis, honoratus, gloriosus, & huiusmodi nomina sunt huius speciei

De ijs quæ sunt secundæ speciei qualitatis. Regula prima. Titu. 29.

Omnis naturalis potentia uel impotentia est in secundo genere qualitatis. Naturalis potentia est, qualitas ad bene operandum innata: ut salubritas, durities. Naturalis impotentia est qualitas ad male debilitateue operandum, aut ad patiendum innata: ut insalubritas, mollities. Trapezontius autem in dialecticis. Naturalis (inquit) potentia uel impotentia, dicitur uis quædam insita, uel imbecillitas, quæ facilius quicquid aut ægrius, uel pati uel agere natura potest: ut durum, molle, ualitudinarius, robustus, & quæ huiusmodi sunt natura insita, non aduentitia. Hæc ille. Vires igitur naturales, planetarum, siderum, elementorum, animalium, plantarum, lapidearum & cæterorum sunt huius generis.

Regula secunda. Titu. XXX.

Omne simpliciter speciei proprium est in hoc secundo genere qualitatis: ut risibile, flebile, disciplinæ susceptuum, hinnibile, latrabile, mugibile, gannibile & huiusmodi alia. Tertia regu. Titu. XXXI

Omnis animæ potentia est huius secundi generis, Animæ potentia uis est eius, quæ alicuius operis est effectiua. Eius quinque sunt genera, ut hæc subiecta indicabunt.

L Algend

Vegetabilis
 Agendi
 Augendi
 Minuendi
 Generandi
 Visus
 Auditus
Exterior. Odoratus
 Gustus
 Tactus

Potentia Sensitiva
 Sensus communis
 Imaginatio
Interior Existimatio
 Phantasia
 Memoria
 Cupiendi
Appetitiva Irascendi
 Volendi

Motiva
 Progrediendi
 Nandi
 Serpendi
 Volandi

Intellectiva
 Simplex apprehendendi
 Componendi
 Dividendi
 Ratiocinandi
 Contemplandi
 Consultandi

Agens

Agens'
Passibilis

Non ignorandum est ab Auicenna, Alberto Magno, & plerisque alijs poni quinque sensus interiores, sensum communem, uim imaginatiuam, existimatiuam phantasiam, & memoriam. Ab Auerroio uero, Thoma aquino, & Marsilio Ficino in libro de uoluptate quatuor duntaxat, uim existimatiuam à phantasia non separantibus Nicephori hominis alioqui prestantis doctrine opinio neutiquam mihi probatur, uisum & ceteros sensus ponentis in ea qualitatis specie, quæ dicitur habitus & affectio.

De ijs, quæ sunt tertie speciei qualitatis

Regu. prima. Titu XXXII.

Omnis passio & passibilis qualitas, est in tertio genere qualitatis. Passio (ut hic accipitur) est qualitas transiens, quæ sensui passionem infert, aut quæ à passione infertur, ut rubor ex uerecundia, excaecitas ex ira, pallor ex timore, ira ex contristatione. Passibilis qualitas, dicitur qualitas permanens quæ sensui passionem infert, aut quæ infertur à passionibus, ut dulcedo, amaritudo, albor, nigror.

Passio modo est actionis effectus, prædicamentum quidem ab alijs distinctum, ut cal fieri, infrigidari, modo est qualitas transiens uel anime uel corpori ex passione innata, & res quedam media inter passionem & qualitatem, qualitas inquam inchoata & imperfecta quæque non potest esse subiectum denominationis, ut ira ex contristatione, erubescencia ex uerecundia.

Secunda regule.

Titulus XXXIII.

Lij Oaus

Omnis qualitas sensibilis in hoc tertio genere col-
locatur, ut color, album, nigrum, flauum, liuidum,
puniceum, purpureum, uiridum, ceruleum, sonus,
uox, murmur, crepitus, susurrus, strepitus, frangor,
sibilus, echo, odor, sapor, dulce, amarum, pingue,
salsum, acre, austerum, acutum, acidum, calidum,
frigidum, tepidum, humidum, siccum, lene, asperum,
grauē, leue. Tertia regula. Titu. XXXIII.

Passiones animæ, quæ & affectiones & perturba-
tiones dicuntur à quibusdam in hac tertia specie col-
locantur Iacobus autem Fab. Stapu. homo doctissimus
& de optimis studijs scribendo meritis optime
ponit eas in prædicamento passionis, nos supra nec-
diaz esse diximus inter passionem & qualitatem. Sta-
pulenſis Aristotelis uerba p̄ſitat illas passiones aīē-
tis, qualitates uero minime: p̄ſitat & originem
earundem, & (ut ita loquar) fluxitatem. Illi autē
rem putant passioni superadditam, & si non quali-
tatem perfectam, at semen & elementum qualita-
tis undeq; si accesserit permanentia, facile passibilis
qualitas coalescat. Passiones animæ duodecim Egi-
dius Romanus & alij Neoterici ponunt, amorem,
desiderium, odium, abominationem, delectationem,
dolorem seu tristitiam, spem, desperationem, auda-
ciam, timorem, iram, segnitiam. His adduntur à qui-
busdam zelus, gratia, nemesis, misericordia, inuidia,
erubescencia. Nonnulli species quoq; rerum tum sen-
sibilem, tum intelligibilem & passiones appellant
& in hoc tertio genere qualitatis reponunt.

De ijs quæ sunt quartæ speciei qualitatis.

Regula

Regula prima. Titu. XXXV.

Omnis figura, & circa unumquodq; constans forma est in quarto genere qualitatis. Scue. Boetius figuram & formam hoc modo separat. Figura inquit est triangulum uel quadratum, forma autem ipsius trianguli uel quadrati quedam qualitas, unde etiam formosos homines dicimus. Figura enim quedā uel pulchrior, uel mediocris, uel alio quodam modo cōstituta qualitas forma nominatur. Figura (ut geometræ diffiniunt) ē quæ sub aliquo uel aliquibus terminis cōtinetur. Sub aliquo quidem, ut circulus: sub aliquibus uero, ut triangulum uel quadratum. Nicephorus inter figuram & formam hoc discriminē tradit. Figura dicitur talis expressio & linearis effectio. Forma extrinsecus prominens coloris qualitas, idea, & informatio, & interpolata coloratio, & simpliciter talis quedam iniecta uisui, superficiiei forma. Sunt qui figuram in rebus inanimatis accipiant, formam autem in rebus animatis. Alij porro figurā quidem fastigiose cedentem formam uero superficiē uocent. Hactenus Nicephorus.

Secunda regula. Titu. XXXVI.

Omnis qualitas circa quantitatem consistens, est in hoc quarto genere: ut paritas & imparitas circa numerum, rectitudo & curuitas circa lineam, cōcauum, connexum & planum, circa superficiem terres, rotundum, orbiculare, turbinatum, pyramidalē, quadratum, trigonum, tetragonum, pentagonū, circa corpus.

Serie s prædicamenti actionis. Ti. XXXVII.

L iij Actio

| | | |
|--------------------------------|-------------------------------|-----------------------------------|
| | Actio | Transiens |
| Inmanens | Actio inmanens. | |
| In intellectu | Intellectio | Extra intellectū |
| Simplicium apprehensiva | Simplicium apprehensio | Nō simplicium apprehensiva |

Hec simplicium apprehensio, ista, illa.

De ijs, quæ sunt in predicamento actionis

Regula. Titu. XXXVIII

Omnis dictio significans agere, est huius predicamenti, ut calefacere, frigefacere, humectare, siccare, intelligere, appetere, uideri, audiri, olfacci, gustari, tangi, sentiri.

Series predicamenti passionis. Titu. xxxix.

| | | |
|------------------------------|---------------------------------------|---------------------------------|
| | Passio | Corporalis |
| Spiritalis | Passio spiritalis | |
| Partis brutæ | Passio spiritalis partis brutæ | Partis rationalis |
| Sensitiva | Passio sensus | Appetitiva |
| Ab re uisibili illata | | Nō illata ab re uisibili |

| | | |
|------------------|-------------------|--------------------|
| | Visio | |
| Hec visio | Ista visio | Illa visio. |

De ijs

De ijs quæ sunt in prædicamento passionis

Regu'a Titu. XL.

Omnis dictio significans pati, est huius prædicamenti, ut ad intelligendum agi, delectari, contristari, irasci, sentire, uidere, audire, odorari, olfacere, gustare, tangere, dementari, doceri, uri, secari, calcifici, friges fieri, humectari, siccari, discere, sperare, metuere, & id genus reliqua. Scire uero est in prædicamento qualitatis.

Series prædicamenti Vbi. Titu. XLI.

| Commune | Vbi | Proprium |
|----------------------|---|-------------------|
| | Vbi commune | |
| Extra aquam | | In aqua |
| | Vbi commune extra aquam | |
| In ciuitate | | Extra ciuitatem |
| | Vbi commune extra aquam in ciuitate | |
| Sub tecto | | Sub dio |
| | Sub tecto | |
| In loco sacro | | In loco prophano |
| | Sub tecto in loco prophano. | |
| Publico | | Priuato |
| | In edificio priuato. | |
| In edificio Socratis | | In domo platonis. |

Descriptio Vbi ex Trapezontio.

L iij Titu

Titulus. XLII.

Vbi est quæ à loci circumscriptione procedit, corporis locatio. Non est enim idem locus & ubi: nam locus est in eo quod capit, ubi uero in eo quod circūscribitur.

De ijs quæ sunt in prædicamento Vbi.

Regula. Titu. XLIII.

Omnis dictio significans in loco, est in prædicamēto ubi, ut in igne, in aere, in aqua, in terra, in urbe in agro, in cremo, in uilla, in templo, in theatro, Rome, Athenis, in Academia, in Lyceo, domi, militia, humi, ruri, hic, isthic, illic.

Series prædicamenti quando.

Titu. XLIII.

| | | |
|--------------------|---------------------|------------------------|
| | Quando | |
| Præsens | | Non præsens. |
| | Quando non præsens. | |
| Præteritum | | Futurum |
| | Quando futurum | |
| Paulo post futurum | | Non paulo post futurum |
| | Mox | |
| Hoc mox | Istud mox | Illud mox |

Descriptio quando ex trapezontio.

Titulus. XLV.

Quando est quæ relinquitur ex tempore rerum affectio. Id diuiditur in præteritum, instans & futurum, quamuis nihil horum sit: nam cum hæc tria tēpora sint, quando tempus non est, sed affectio rei.
qua

quæ fuisse, uel esse, uel futura dicitur.

De ijs quæ sunt in prædicamento quando.

Regula. Titu. XLVI.

Omnis dictio significans in tempore, est in categoria quando, ut hodie, heri, nudiustertius: superiori mense, superiori anno, mane, meridie, uesperis, cras perendie, olim, quondam, olympiade centesima, anno à uirginis partu supra millesimum & quingentesimum decimotertio, & id genus cætera.

Series prædicamenti situs.

Titu. XLVII

| | | |
|-----------------|---------------------------------|---------------------|
| | Situs | |
| Ex natura | | Ex appetitu |
| | Situs ex appetitu | |
| Intellectiuo | | Sensitiuo |
| | Situs ex uoluntate. | |
| Sui corporis | | Alicui corporis. |
| | Situs sui corporis uoluntarius. | |
| In pedes erecti | | Nō erecti in pedes. |
| | Status | |
| Hic status | Ille status | Iste status |

Descriptio situs ex Trapezontio.

Titu. XLVIII.

Si. us est partium quedam positio ac ordinatio.

L v quæ

qua stantia, sedentia, aspera, leuia, & huiusmodi dicuntur.

De ijs, que sunt in predicamento Situs.

Regula. Titu. XLIX.

Omnis dictio significans positionem quandam partium ac ordinationem, est in predicamento situs, ut status, sessio, accubitus, iacere, Raritas, spissitudo, asperitas, leuor, acclinitas, declinitas, inclinatio, inflexio, supinitas, & id genus reliqua.

Series predicamenti habitus.

Titu. L.

| | | |
|-----------------------|--|--------------------------|
| | Habitus | |
| Domesticus | | Militaris. |
| | Habitus domesticus. | |
| Unius partis corporis | | Plurium partium corporis |
| | Habitus domesticus plurium corporis partium. | |
| Mediate adiacens | | Immediate adiacens |
| | Indusiatura | |
| Hec indusiatura | Ista indusiatura. | Illa indusiatura. |

Descriptio habitus.

Titulus

Titu. LI.

Habitus est res media inter corpora. & quæ eis
adiacent, secundum quam hæc quidem habent, illa
vero habere dicuntur, ut armatura, tunicaio.

De ijs, quæ sunt in prædicamento habitus.

Regula. Titu. LII.

Omnis dictio habitum significans, est huius cate-
goriæ. siue is sit domesticus, siue militaris, siue ad
uelamen, siue ad cultum corporis pertineat, ut ar-
matum esse, loricatum, pharetratum, galeatum,
scutatum, palliatum, togatum, pileatum, calceatū,
annulatum, torquatum, coronatum, & huiusmodi
alii.

De dictionibus aliquot quæ vel
ad diuersa prædicamenta, vel a
vnius eiuſdemq; seiunctas speci-
es referuntur.

Caput huius introductiōis tertiū

Quod una eademq; species secundum aliud atq; ali-
ud diuersis generibus supponi possit. Titu. i.

Tametsi uerissime dictum sit à philosopho in præ-
dicamentorum libro de uersorum generum & non
sub. lternatim positorum diuersæ sunt species, id est
secundū

secundum speciem differentie, nihilo tamen minus in eademq; species pro diuersis ratioibus supponi diuersis generibus potest, quod ne cui parum eruditorum mirabile uideatur, ipsius Aristotelis ex eodem libro uerba subiiciam. At uero (inquit) non decet conturbari, ne quis nos dicat de qualitate propositionem facientes, multa de relatiuis interposuisse. Habitus enim & dispositiones horum quæ ad aliquid sunt esse dicebamus. Penè enim in omnibus talibus genera ad aliquid dicuntur, nihil autem eorum quæ singula sunt. Et non multo post subdit. Amplius si contingat hoc ipsum & quale, & relatiuum esse, nihil est inconueniens in utrisq; hæc generibus enumerare. Quæ uerba Boethius enarrans. Nam cum sit uerum (inquit) unam eandemq; rem duobus diuersis generibus non posse esse suppositum, illud tamen conuenit, secundum aliud atq; aliud, unam eandemq; speciem duobus generibus posse subnecti.

De habitu, dispositione, scientia, sensu, & positione.
Titu. II.

Sicut Aristoteli & Boethio placet, habitus (quæ & habitudo dicitur) dispositio, scientia, & sensus modo in relatione, modo in qualitate numerantur. In relatione qui demum, nam & habitus, habilis rei habitus dicitur, & res habilis habitu habilis: dispositio dispositæ rei dispositio, disposita res, dispositione disposita, scientia, scibilis rei scientia, scibilis res scientia scibilis: sensus, sensibilis rei sensus, sensibilis res, sensus sensibilis. In qualitate uero, quæ ab ea subiecta qualia

qualia denominantur sic & positio nunc ad aliquid
est, in eo quod posita res positio est, & posita res
est positione posita: nunc prædicamentum ab alijs
distinctum, quod & sit us dicitur, in eo q, ab illa se-
dentia, stantia, rara, spissa, aspera, leuia, & eiusmodi
denominantur. Recentiores dialectici duplicia
relatiua constituentes: hæc quidem, quæ appellant
secundum dici, illa uero secundum esse, nihil ex alijs
prædicamentis inter relatiua secundum esse nume-
rant, at non parum multa inter secundum dici re-
latiua. Hoc insuper addunt priorem ad aliquid defi-
nitionem à Platone profectam, utrisq; relatiuis cō-
uenire, quam Aristoteles posteriore solis secundum
esse relatiuis conuenienti iure correxerit.

De raro, spisso, leui, & aspero.

Titu. III.

Rarum, spissum, leue & asperum (si Alberto ma-
gno credimus) trifariam accipiuntur. Primum qui-
dem, ut positiones quasdam partium significant. Nā
rarum idco uocatur, quia partes eius ita distant à
se, ut inter eas alieni generis corpus possit admitti,
ut spongia, pumex. Spissum, quoniam ita sibi par-
tes uicinae sunt, atq; ad se inuicem strictæ, ut inter
eas nullum corpus possit incidere, ut ferrum, ada-
mas. Leue, q, eius partes æquam iacent superficie,
ita ut nulla earum emineat, ut lamina argentea. A-
sperum cuius partes inequaliter sitæ sunt: ita ut alie
emineant, alie uero sint depresso, ut tyrocnestis.
Et hoc modo sunt in categoria sius. Deinde autem
ut tactui inferunt passionem, & sic in tertio quali-
tatis

tatis genere collocantur. Postremum uero, ut figurae sunt, & in quarta specie qualitatis reponuntur.
De calido, humido, & lumine.

Titu. IIII.

Calidum, humidum, & lumen primum quidem sp. datur, ut igni calidum natura inest, aquae humidum, lumen corpori luminoso, suntque in secundo genere qualitatis. Deinde autem, ut substantiarum susceptible affectiones sunt, & in primo qualitatis genere collocantur. Postremum uero, ut sensum passione afficiunt: lumen quidem uisum, illa uero tactum, & sunt tertij generis eiusdem predicamenti.

De doctore, imperatore, uiro, & comite.

Titu. V.

Doctor si ad discipulum refertur, est in Categoria relatiuorum: nam doctor discipuli doctor est & discipulus est doctoris discipulus. Si cum significat, qui docendi quopiam habitu praeditus est, tamen si iam nemo sit ei discipulus, est in prima specie qualitatis. Ita Imperator cum ad exercitum mutuo refertur, nomen est ad aliquid, cum cum significat, qui habitum et auctoritatem habet imperandi, in primo qualitatis genere numeratur. Porro, si uir maritus significat, relatiuum nomen est: si sexum in secunda specie qualitatis: si aetatem, in prima eiusdem collocatur. Comes uero si ducis comes dicitur, relatiuus est indignius correlatiuus: si autem comitis comes: ut in illo mimo graphi: comes facundus in uia pro uehiculo est: relatiuus est aequali consistens comparatione. FINIS.

PSALMO. CXIII.

τὸ ὄν ἐσκήρτησαν ὡς κρητοί

Et colles sicut Agni olivum.



Montes exultaverunt ut Arctos,

καὶ οἱ βουνοὶ ὡς ἀγρία προβατῶν.


CRACCOVIAE.

Excudebat Matthias Scharffen-
bergus, M. D. XLVI.

PAID NO. 1000



CR. CO. 1000
The Royal Mail
London W.C.





Joan

asari

1566

1566

1566